


# NGOLO JA KALUNGA

## JA KWALUMUNA

 Ngwasakwilila, ndumbu walunga. [Ndumbu walunga Carl William ambile ngwenyi, “Punduvane pwenu na lisesa lya kupwa na Ndumbu walunga Branham kwiza chikuma ku Phoenix. Ngwashinganyeka ikiye kwiza ku Phoenix kuhambakana kala kwosena. Kaha etu twatondo ikiye kutwalilaho kwiza, kupwa kaha nge omu Nguli hano, mukala jila. Kalunga akukisule, Ndumbu walunga Branham.”—Muka.] Ngwasakwilila—ngwasakwilila, Ndumbu walunga William.

Chimene chamwaza, masepa. Nguli . . . Echi chinapu chisaka cha Shakarian, Ndumbu walunga Williams na Ndumbu wapwevo Williams na vavavulu muli vakiko hano kutachikiza hali echi. Ngwamwene chize mu chimweno, pamo myaka yivali kaha yitatu shimbu kanda ikiye apwenga wakuviza, kaha chasolokele.

<sup>2</sup> Kaha mwaka unahichi omwo etu twapwile hano, Ngwafwelela chapwilenga mu Chizeji, kuze kukuliwana, lwapwile lwola luze uze kapilishitu (Lijina lyenyi lika? Ngwavulyama lijina lyenyi jino.) apwile hano. [Muthuumwe ngwenyi, “Stanley.”—Muka.] Stanley, Mbishopu Stanley, kufuma muliuka lya Katolika. Enu anukenu omwo ikiye angunehela yami Mbimbiliya, munatachikiza, kaha ikiye ahanjikile kuli yami . . .

Echi chapwile vene kupolofweta, “Mwanami wapwevo, ove unahinduka.”

<sup>3</sup> Kaha ikiye atachikijile chize chimweno chize ahanjikile nge ikiye keshi kuhasa kupwa kanawako. “Ikiye mwaya nakufwa mukachi ka tu na seli koloko ya chimene.” Anuka echi? [Muthuumwe ngwenyi, “Eyo.”—Muka.] Shikaho, tu mokomoko seli koloko.

<sup>4</sup> Kaha Ngwahonene kutachikiza Demos. Kaha ohonyi Ngwamulwekele naye wakumulela, muze vene mukapete, muzevene muchihela hano. Ngwambile ngwami, “Ikiye keshi kuya nakupwa kanawako.”

Pwevo lya Shakarian ambile ngwenyi, “Chamwaza, muthu wosena ali nakupolofweta.”

<sup>5</sup> Ngwambile ngwami, “Mukiko vene, Ngunahase kupwa wakupwila, yami lyavene, oloze Ngwambile ngwami echi. Ikiye keshi kuya nakupwa kanawa ko.”

<sup>6</sup> Ngwawalwekele vakiko, pamo mumyaka yitatu kunyima okwo, “Ngwamumwene ikiye kulaha kutonda kuyoya chenyi, kaha ikiye ayile mukahela. Kaha ikiye andwile mavoko eyi na kutambakana kuli yami, nge ngachize. Kaha Ngwa—Ngwahonene kuheta nahaseteko. Kaha jino Ngwamumwene ikiye afwile. Kaha Ngwatalile, kaha kwapwile chumachimwe, kuze kwapwile koloko, kaha chahanjikile kuli chumachimwe mukachi ka tu na seli koloko.”

<sup>7</sup> Kaha shikaho uze mbishopu ngwenyi, “Chamwaza, Nanguya kaha nakutala omwo chize chejile nakuhita.” Shikaho, chejile nakusoloka.

<sup>8</sup> Etu tuli vene vakukonekele. Ngulinakwivwa liuka linajimbalisa muthu wamunene, muli Ndumbu wapwevo Florence Shakarian. Oloze, ikiye apwile mukakwimba wamunene, ikiye apwile pwevo wakuzala na Shipilitu wajila.

<sup>9</sup> Ngwapwile na naye; naye apwile umwe wakuliwana Ngwapwile nenyi kuze kungenge ya Kumulauko, omu naye ayoyele. Omu vaze mandotolo. . . Ikiye apwile wakulezumuka, kaha wakujimba. Kaha shikaho uze—uze ndotolo uze apwile kuze angulwekele yami, ambile ngwenyi, “Jino pwenu vakuunda omwo enu namulomba. Kanda kuneha vyema. Uze pwevo ali nakufwa.”

Ngwambile ngwami, “Eyo, mwane.”

<sup>10</sup> Kaha ikiye ngwenyi, kahajino, ngwatwalileho kumulweka. Kaha, chamwaza, Kangwapwile na lihanya lyakusokoloka mukanwa kamiko, nge.

<sup>11</sup> Shikaho, apwile Ndumbu walunga Demos angulwekele yami kuya kulutwe na kumona ikiye.

<sup>12</sup> Shikaho, Ngwakandukile helu lya manela. Kaha Florence apwile nafukuma hamavu, jino apwile kanyike wapwevo wamundende wamwaza, kaha namapwevo veka nawa. Kaha ayile kuze na kumulombela, kaha nakumulwekamo. Kaha ikiye apwile wakulezumuka. Kaha kumulweka ikiye mwahinduka cheka. Kaha ikiye alingile. Mwachichile myaka yayivulu, ikiye afwile. Kaha jino Kalunga eji kukumbulula malombo etu.

<sup>13</sup> Kaha etu tunatachikiza nge, etu twafwelela nge etu vosena tuneza hano ha punga ya Kalunga, kaha etu natuyoya mujila yoyimwe. Umwe na umwe, etu natuya umwe kuzauka kuhita musenge. Kaha ou ukiko mulonga etu tuli hano chimene chino, kukunguluka hamwe mu Kulikata cha Malunga va Vakakulishitu va Kakusekasana, chili kuhanjika vyuma evi, kaha kuwahisa vakiko, mwomwo etu tunatachikiza nge vakiko punduvene naveza.

<sup>14</sup> Jino Ndumbu wapwevo Florence uze mukweze wapwevo, wamyaka fwote tu yakusemuka, Ndumbu walunga Williams kungulweka yami, kaha kupwa wamukweze. Oloze shimbu

kanda vakiko...ikiye atachikijile nge ikiye apwile na musongo, mwomwoika, Ngwamwene chimweno cha ikiye, kaha kungulweka chuma chimwe. Kahajino, nachiya nakupwa... Kalunga atachikiza vyosena hali echi, kaha ikiye kumona Yesu muze mukapete shimbu kanda ikiye aseze. Etu katwatondele kulombela ikiye, mwomwo etu tungalingi chize chikuma. Etu twatondo kusakwilila Kalunga ha chiyoyelo chize chapwilenga mukachi ketu, nge kutuhwimina etu vosena, nge Ndumbu wapwevo Shakarian.

<sup>15</sup> Kaha etu twatondo kulomba hali Ndumbu walunga Demos, Ndumbu wapwevo Rose. Kaha anuka, vakiko vapwile na chuma chachikalu na kwingila muchiyoyelo chavo, kumakumishilo... napu ise, na ndumbwenyi wapwevo jino mu...myaka yamakumishilo. [Muthuumwe kuhanjika kuli Ndumbu walunga Branham—Muka.] Oloze, kaha, yaah, kuhambakana...kukeha, tukweji likumi; na Ndumbu wapwevo—Ndumbu wapwevo Edna ahetele, nawa.

<sup>16</sup> Shikaho, Ngunatachikiza omu mwakuvwila keke na Ndumbu walunga Demos. Ngwapwile na tata, ndumbu walunga, pwevo, na kemba, kuya mukachi ka makumbi amandende, shikaho Ngwa—Ngunatachikiza omu ikiye ali nakwivwa chimene chino. Enu munatachikiza kaha omu enu munemana mujisapato javo, muze mukiko enu namutachikiza mwakuvwilan keke. Kaha...

<sup>17</sup> [Eyi PA system kuneha chizungo zungo—Muka.] Ngwalingile chize amilyavene. Ngukonekelenu. Ngwavetele kakandende hano kumwe, na livoko lyami. Shikaho Ngu—Ngukonekelenu Ngwayihakanga helu chikuma, kaha kayeshi nakuwahako.

<sup>18</sup> Shikaho echa twimanenu jino shimbu etu...kachi ove unahase, kachi echi chili...Echa etu tunongame mitwe yetu.

<sup>19</sup> Tata wa Mwilu, etu twakunguluka hano chimene chino kulifukula kuli Ove, na kuhana Ove kusakwilila na kwalisa, ha kutuma Yesu Mukakusokola, nge etu tuli na lusalililo hanyima ya kuyoya, kumona nge echi chili chakuzeneka kutachikiza nge etu tuli nakuyoya hano lwola lwosena. Kaha, Tata, kumona seteko yakuhokoka eyi mijimba yinahase kwingila, etu tunawahilila etu katweshi nakutwama hano lwola lwosena. Ove unatungu jila yakuchinyina, kuhita muchinema cha kufwa.

<sup>20</sup> Kaha, Tata, etu tuli vakusakwilila kuli Ove chimene chino, ha chiyoyelo cha umwe uze emanyine na etu, kuhambakana mwaka umwe hanyima, kwimba chakukwalisa Ove, Ndumbu wapwevo Florence Shakarian, nge omu twamutachikiza ikiye. Kaha Ove unatulweke etu shimbu kanda, chipwe myaka, nge echi nachiya nakusoloka, nge nachiya nakupwa chikuma chakukomwesa kuli etu. Kaha etu tunatachikiza chumamuka Ove muya nakuhanjika kupwa muchano. Kaha jino Lizu Lyove ngwalyo, "Muthu uze nasemuka kuli pwevo, ali wakuzala na

makumbi amandende akuzala na maukalu.” Etu tunatachikiza nge muchano, nawa, Mwata. Etu tunatachikiza etu vosena twatela kwiza nakuhita muchana. Shikaho etu twasakwilila Ove ha chiyoyelo chenye chize chapwilenga hano hamavu. Kaha kufwelela ha lufwelelo, nge jino, chino chimene, ikiye nahichi kufuma muukalu zuvo yatututu, kwingila mumujimba waupahu uze kaweshi kavizako. Kaha talenda yenye yakwimba, kaha lizu ali nalyo, kaha shipilitu yenye kupwa yakuzala mulikoji na Kulishitu! Nge ikiye nahase kukinduluka chimene chino, ikiye keshi kuhasa kuchilingako ha kulumbununa; ikiye atela kuya nakuhita muli echi cheka. Echi, jino chili, ikiye ali na naye na ise. Vakiko vavulukile kamba avo kwimbo. Shikaho, etu—etu twasakwilila Ove.

<sup>21</sup> Etu nawa twatondo kulomba chakuvendejeka, hali Ndumbu walunga Shakarian, ndumbwetu walunga wakuzanga, kutachikiza nge—nge kuyoya chize ikiye ali nakuyoya, kaha luyanjisa luze ali nakuya nakuhitamo muze mumakumbi akumakumishilo, kaha omu ikiye ali; kumutala ikiye kukota, kaha kambu jenyi mbwembwele, kaha kweseka kutwama muwande mwomwo ya Kalunga. Kalunga, muhane ngolo lelo. Etu twalombo, Kalunga, nge Ove uyenga nakutuhana echi. Kuli vase vosena vanalinyenge hakufwa chenye, etu twalombela enu vosena.

<sup>22</sup> Kaha echa, Mwata, nge omu tuli nakushinganyeka hali echi, anuka nge etu twatela kuya likumbi limwe. Shimbu etu tunatwame hamwe hano Kumeso a Mwata Yesu, etu twalombo nge Ove muya nakuneha echi chituta ku kwanuka chetu. Kaha echa etu kutala, nge chapwile, mokomoko kutalatala muchiyoyelo chetu, nge etu natupwa mwishi ya Manyinga na mu Lufwelelo. Tuhanecho echi, Mwata.

<sup>23</sup> Jino nge omu Nangweseka kuli evi maukalu kuneha mujimbu waundende kuli vathu, lelo, Ngwalombo nge Ove muya nakungukafwa yami, Mwata. Kuzamisa yami, mwomwo Ngwa—Ngwa—Ngwakutonda echi, Mwata. Kaha Ngwalombo nge Ove uyenga nakuvahanacho. Kaha echa chumachimwe vachihanjika nge nachiya nakuvumbika Ove. Kaha kachi kuli nakupwa kala kwishi ya kuvuma cha lizu lyetu chimene chino, uze keshi wakulizanga kuliwana mu ola ize ili kumeso avo, echa elu lupwenga lwola luze omwo vakiko navaya nakulihana kuli Ikiye Uze ambile ngwenyi, “Yami Jila, Kuyoya, na Muchano,” numba Mwata Yesu Kulishitu. Mwomwo etu twalombo echi mu Lijina Lyenyi. Amena. (Enu munahase kutwama.)

<sup>24</sup> [Muthuumwe hakamenga kuhanjika kuli Ndumbu walunga Branham—Muka.] Uze ndumbu walunga hano natondo kutachikiza kachi muthu wosena nahase kwivwa kanawa. Ikiye akwechi mitoloki ivali. Echi chosena chakwoloka? Munahase

kwivwa? Katulenu mavoko enu kachi enu munahase. Munahase kwivwa? Katulenu mavoko enu. Chosena chakwoloka.

<sup>25</sup> Ngukonekelenu nge katweshi nakapete kakutwamoko kamuthu wosena chimene chino. Kaha etu twafwelela nge Kangweshi kutwama hano chikumako, kupwa kaha wakatamo pamo kuneha etu pamo kutanga cha Lizu; nge Mwata Kalunga mwaya nakuvumbika Lizu Lyenyi lize lili nakutanga, kaha mwaya nakutuhana etu likoji Lyenyi, mangana etu tuzachise Ikiye hali echi.

<sup>26</sup> Jino Vangulwekele kuli Billy Paul, chimene chino, nge mangana chipwenga chachashi etu kuhanjika ha Chalumingo na chishisaho ku Grantway Assembly of God, mu Tucson. Kachi kuli kala muthu hano kufuma ku Tucson, Ngunahase kuhona kumona ove uno mulungu. nanguya nakupwa ha Grantway Assembly of God, Chalumingo nachizaho.

<sup>27</sup> Shikaho jino etu kwiza kaha nakukinduluka kunyima kufuma ku Mututuko, kaha Nguli nge ami lyavene kushikumuka chindende, ha kulya chikuma, na kupwa na keke chikuma ya vathu kuze kujipili. Kaha—kaha Ngukwechi kuviza, shikaho Ngwevwile kanawa mulungu uno. Shikaho, enu ngulombelelenuko. Kaha . . .

<sup>28</sup> [Muthumwe kuhanjika, “Chikumanyi vakolo.”—Muka.] Chumamuka wahanjikanga? [“Chikumanyi vakolo.”] Ndumbu walunga Carl Williams na chishinganyeka chakulema, kaha Ngunashinganyeka etu twatondeka jino, ikiye ambile ngwenyi, “Chikumanyi vakolo.” Ngunahono kutachikiza hali chize, Ndumbu walunga Carl, oloze mihale vavavulu.

<sup>29</sup> Shikaho enu mwatondo kulombelela muthumwe chimene chino, mwomwoika, Ngu—Ngunasakwilila kachi nachiya nakupwa mwomumwe ha kulomba chove hali yami, mwomwo Ngu—Ngutondo echi.

Jino etu twatondo kuya washi mu Lizu.

<sup>30</sup> Kaha Kangwazangile kumishimbwisa hano chikumako, mwomwo Ngwafwelela kuli veka vanalinungu na jishinga kumafuchi kumwe, chimene chino, kuya mujila yosena kufuma ku Kungenge ya Kumulauko, kufuma ku Kuto na Kusango. Vavavulu, vavavulu va assemblies vakwechi mwakutwama nge omu muli naenu nawa kufuma mu mbalaka. Echi chili nawa chakulinunga mu Phoenix, nge kwosena nakutanga, kwiza muzevene mu . . . Kaha vakiko kukunguluka mumauka na mujizuvo, na vyuma vimwe nge ngachize, kuhichila mulikimba lyambwende. Vakiko kuhanjika chili kanawa kuhambakana kuvilika hachisanji. Echi chili chakulinunga na shinga, vakiko kuhaka chakutwambwila mokomoko chihungo, mokomoko kala mwosena chili, muze mukapete. Kaha vakiko . . . Pwevo lyami ambile ngwenyi, kwiza kufuma ku Indiana mulungu unahichi,

kushikumuka ku Tucson, kwapwile chochimwe nge kwimana muze mukapete. Shikaho etu twalombo nge Kalunga mwaya nakukisula vosenana mumukana chimene chino, kwosenana vakiko vali. Kukanduka kuze mu New York jino nachiya nakupwa, mamalelo, na musana, kaha jilola jakuhandunuka omu uli nakuhita mulifuchi.

<sup>31</sup> Jino mu Mukanda wa Loma, kapetulu 12, na vasi 1 na 2, etu twatondo—kachi kutanga echi Chisoneka.

*Shikaho, enu vandumbwami, ngunamilebelela hakutetela cha Kalunga chachivulu ngwami, echenu mijimba yenu nge chimuna wakuwatula wamutonyi, wajila, wakwumwivwisa Kalunga kuwaha, yikiko vene milimo yenu yamwomwo mwaya mangana.*

*Kaha kanda mulifwanyisanga na myaka yinoko, oloze vamyalumina mweka hakulingisa michima yenu kupwa yayihya, mangana enu mwesekenga myaya muchima wakalunga, kaha wamukupuka . . . mwamwaza, mwakwivwisa kuwaha, mwakukupuka, mwaya muchima wa Kalunga.*

<sup>32</sup> Jino, kachi nge Mwata netavila, Ngwatondo kumbata mutwe wachihande chimene chino, ha: *Ngolo Ja Kalunga Ja kwalumuna.*

*Mangana muhone kupwa vakulifwanyisanga na myaka yino: oloze . . . vamyalumine mweka hakulingisa michima yenu kupwa yayihya, jino, na kwinjikiza nge echi chinapu chamwaza, kukupuka, na kwitavila, muchima wa Kalunga.*

<sup>33</sup> Echi chinapu kutanga chawenyembo echi mapashita vavavulu mwapwilenga nakuhitaho lwolalwosena. Echi chinapunga kufuma haze Echi vachisonekele. Olozenyi, chumachimwe hali eli Lizu lya Kalunga, Kalyakola nakushinakajiwako, mwomwo Napu Klaunga. Kalya kola ushinakajiko. Kuhichila mukala chisemunuino jino, kupwa hakamwihi, pamo na twende eyite handulendi, mokomoko kuhambakana, eli Lizu lya Kalunga vanapunga nakulitanga kuli vathu, tupilishitu, kaha navyangocho, kaha kanda lyehi Likule nakuushinakaji. Ngunapunga nakutanga Echi, amilyavene, ha myaka seti faifi. Kaha lwola lwosena Nangutanga Echi, Ngunawane chumachimwe chachihya nge Ngwatalile ha lwola lwatete. Mwomwo, Echi chinapu chakuhwimina, Ali Kalunga muchifwanyisa. Talenu, Echi chinapu tengeso ya Kalunga kuhanjika ngocho, kaha vanachihake hali papilo.

<sup>34</sup> Lwola lwaluvulu, lunga ngwenyi, “Chamwaza, jino, lunga asonekele eyi Mbimbiliya.” Nduma. Eyi Mbimbiliya ngwayo, Chivene, nge Kalunga asonekele eyi Mbimbiliya. Eli linapu Lizu lya Kalunga.

<sup>35</sup> Kaha Echi kacheshi kuhasa kuhonako. Yesu ambile ngwenyi, “Melu na mavu nawakahita, kuhita, oloze Mazu Ami kaweshi kahonako.” Kaha Echi kacheshi kuhasa kuhonako, kaha kupwa Kalunga, mwomwo Chinapu chihanda cha Ikiye.

<sup>36</sup> Kaha jino ove kupwa mwana Neyi na wapwevo, ove unapu chihanda cha Echi, kaha echi nachikulingisa ove kupwa chihanda cha Ikiye. Shikaho ou ukiko mulonga etu tuneza na kulikata hamwe na Lizu lya Kalunga.

<sup>37</sup> Jino eli lizu lya *kwalumuna*, Ngwatalanga mu chikukulwishi, zau. Omu, Ngwahetanga nakuhakujimbala mwomwo ya lwola luze Ngwapwilenalwo hano, omu Ngwapwile nakutala ha kutanga, kaha Ngwawanyine eli lizu, mokomoko echi kutanga, chipwe, Chisoneka. Kaha muchikukulwishi kuhanjika echi “chumachimwe chize chalumukile.” Echi chinapu “kwalumuka.” *Kwalumuna*, “Kukulingisa kupwa wakuhandunuka kuhambakana muze chapwilenga, Echi chinapu. . .vinapu vilinga na vyumavimwe kupwa vyakwalumuka muli echi,” kupwa *wakwalumuna*.

<sup>38</sup> Kaha Ngwashinganyeka chimene chino, mu Kuputuka 1. Aka kaye kapwile na chifwanyisako, kaha yapwilenga lyaupolongwa, kaha milima yapwile hano hamavu; kakweshi chuma chekako shina kukuma. Kaha omwo aka kaye kali muli ize seteko, eyi Shipilitu ya Kalunga yatambukile chameso kumeya, kaha chifwanyisa chosena vachalumumwine; kufuma mukulyenyeka chikupu, mulitepa lya Milemba. Echi chinapu kwalumuka cha ngolo ja Kalunga, chize chinahase kumbata chumachimwe chize kacheshi na kulinga chumachimwe chamwaza kufuma muli chize. Kalunga ngolo jenyi ja kwalumuna!

<sup>39</sup> Kaha etu tunevwushisa nge, ha kutanga Visoneka, nge Kalunga apwile na myaka sikisi—sikisi sauzande yakuhasa kutunga nakuwahisa eyi Etene. Jino, Ikiye keshi kuhasa kupwa nakushimbula chikumako; oloze kushinganyekela, kaha kumbata kufuma mu Chisoneka kuze Chahanjikile “likumbi limwe na Kalunga, linapu myaka sauzande hano hamavu,” echi chili, kachi Kalunga atela kulava. Kaha kuhajinka echi chapwile myaka sikisi sauzande ya myaka Ikiye apwile nayo yakuwahisa hano hamavu, kaha Ikiye atumbile hano hamavu mbuto jamwaza josena. Kuze kwapwile kaha vyuma vyosena vyapwile vya kukupuka.

<sup>40</sup> Ngwashinganyeka, lwola lwaluvulu, omwo kutoleka chaputukile kutanga Mukanda wa Kuputuka, vakiko putukile kutoloka Ecjhi, mwomwo chasolokele nge Chili lika nakuhilwisaho Chivene, mokomoko kumbila enu hano na haze.

<sup>41</sup> Oloze kachi etu natutalisa ha katando kakandende, shimbu kanda etu twingile mukutanga chetu, chize, Mose amwene

chimweno. Kaha Kalunga ahanjikile kuli ikiye. Kalunga ahanjikile kuli Mose meso na meso, litwitwi kulitwitwi. Jino, Ikiye kahanjikile kuli kala muthu nge ngachizeko, nge omu Ikiye alingile Mose. Jino, Mose apwilenga wamunene, umwe hali tupolofweto vavanene vosena. Ikiye apwilenga muyachi wa Kulishitu. Kaha jino Kalunga nahase kuhanjika, Ikiye ali na lizu. Echi vachivwile. Kalunga nahase kuhanjika.

<sup>42</sup> Kaha Kalunga nahase kusoneka. Kalunga asonekele Jishimbi likumi na munwe Wenyi Ivene. Ikiye asonekele jimbango ja—ja Mbavilone lwola lumwe, na munwe Wenyi. Ikiye emanyine hamavu na kusoneka mulwola lwa usekeseke, na munwe Wenyi. Kalunga nahase kuhanjika. Kalunga nahase kutanga. Kalunga nahase kusoneka.

<sup>43</sup> Kalunga napu Kaselwoke wa likoji na Ngolo, na mangana a Ukalunga wosena, ali muli Kalunga. Shikaho shikangaho, kutachikiza nge, Ikiye apwa Tengi haze. Kakweshi tengi wekako shina Kalunga. Satana keshi kuhasa kutengako, mwosena, ikiye eji kuchongononanga vize vanatenge. Oloze Kalunga apwa Tengi kaha.

<sup>44</sup> Shikangaho, Ikiye atangile na Lizu Lyenyi. Ikiye atumine Lizu Lyenyi. Shikaho jimbuto josena jize Ikiye ahakile hamavu, Ikiye atungile jize jimbuto na Lizu Lyenyi Ivene, mwomwo kakwapwile chumako chakulingisa mbuto kulovoka. Ikiye avahakile vakiko, kaha vakiko vapwile mwishi ya meya. Ikiye ahanjikile kaha, “Echa kupwenga *echi*, kaha echa kupwenga *chize*.”

<sup>45</sup> Jino etu tunawane nge, lwola lwaluvulu, chinasoloka nge Mbimbiliya kuhilukaho cheka mokomoko kuhyanjika chumachimwe chatela Chize kayahanjikako. Chakutalilaho, mu Kuputuka 1 etu tunawane nge, “Kalunga atangile muthu mu chifwanyisa Chenyi Ivene, mu chifwanyisa cha Kalunga atengele Muthu; lunga na pwevo Ikiye Avatengele.” Kaha jino Ikiye ayile, kaha vyuma vyavivulu vvasolokele hamavu.

<sup>46</sup> Kahajino etu twejile nakuwana, kuze kakwapwile muthu alimine hamavuko. “Kahajino Kalunga atengele muthu kufuma mulukungu lwa mavu.” Uze apwile lunga wakuhandunuka. “Kaha Ikiye ahwiminyine shipilitu ya kuyoya muli ikiye, kaha ikiye ejile nakupwa mwono wa kuyoya.”

<sup>47</sup> Uze lunga watete apwilenga muchifwanyisa cha Kalunga, ou napu Shipilitu. Yowano 4, ngwenyi, “Kalunga ikiye Shipilitu, kaha vakiko veji kulifukula kuli Ikiye atela kulifukula kuli Ikiye mu Shipilitu na mu Muchano.” Oloze Kalunga apwa Shipilitu. Kaha uze lunga watete, uze Ikiye atengele, apwile muthu wa shipilitu, kaha ikiye apwilenga muchifwanyisa na muchifwanyisa cha Kalunga.

<sup>48</sup> Kaha jino Ikiye ahakile ou muthu mumujimba wanyama, kaha muthu aholokele. Shikaho jino Kalunga ejile nakusuluka



na kwiza nakupwa muchifwanyisa cha muthu, nge Ikiye nahase kusokola uze muthu wa kuholoka. Uze unapu Mujimbu wamwaka, kuli yami—kuli yami kutesekesa na vishinganyeka vyami.

<sup>49</sup> Jino, Kalunga, mu myaka sikisi sauzande, atumbile jimbuto josena jamwaza, mokomoko Ikiye ahanjikile Lizu Lyenyi. “Nakukapwa *eyi* jila. *Ou* mutondo nauya nakupwa. *Ou* naukapwa.” Vyuma vyosena vyapwile vya kukupuka. Echi chapwile chamwaza. Kaha Ikiye ahanjikile kuli umwe wa jize jimbuto jize vakiko vatela kulinga, vakiko vatela kwalumuna vavene kwingila mumutondo kupwa muyachi wa kuyoya lize Lizu Iya Kalunga linahanjika muli vakiko omu chatela kupwa. Kachi chapwile mutondo wa oak, chapwile kuneha navyangocho vya mutondo wa oak. Kachi wapwile mu palm, chanehele navyangocho vya mu palm.

<sup>50</sup> Mwomwo, uze Tengi wamunene natumu Lizu Lyenyi, kaha ize mbuto ya Lizu yapwile kuze kumeso a chamwenemwene mbuto apwile chahashile kupwa. Kaha Lizu kutungika kupwa mbuto. Talenu, “Ikiye atungile kaye kufuma kuvyuma vize kavyasolokako.” Talenu, Ikiye—Ikiye atungile kaye ha Lizu Lyenyi. Kalunga kuhanjika vyuma vimwe kwingila mukuyoya.

<sup>51</sup> Kaha kupwa Kalunga, ou Tengi, kuhanjika vyuma vyosena kupwako, chatela kupwa kaye wakukupuka. Echi chapwile na—na chihela chamwaza. Echi chapwile na—na umwemwene mu palachise hano hamavu.

<sup>52</sup> Jino, nge, kala chihela chatela kupwa na jiheadquarter kumwe. Echi kuliwana chili na jiheadquarters, kaha ou kapetulu ali na jiheadquarters, kaha liuka lili na jiheadquarters. Kaha Kalunga atwama na jiheadquarters. Kaha shikaho chino chihela chachinene, lifuchi eli tuli nakuyoyela, likwechi jiheadquarters. Kaha shikaho eyi Etene yayinene yapwile jiheadquarters, kaha jiheadquarters japwile ja mutwe wa Milemba, mokomoko mu Milemba, kumututuko wa milemba.

<sup>53</sup> Kaha Kalunga ahakile hali echi, mangana kuyula tengeso Yeni yayinene hano hamavu, mwana Neyi na mwenga Wenyi, Alama na Eva.

<sup>54</sup> Kalunga apwilenga Tata ya Alama. “Alama apwile... mwana Kalunga,” kutesekesa na Visoneka. Ikiye apwilenga mwana Kalunga.

<sup>55</sup> Kaha Kalunga amutangilile mukakumukafwako, kumufumisa mumujimba wenyi ivene; pamo lupachi kufuma ha muchima wenyi, shikaho ikiye mwaya nakupwa hakamwihi na ikiye, kaha amulingishile ikiye kupwa mukakumukafwako. Echi chili vene kachapwile pwevo lyenyi, kuhambakana omu chapwile; Ikiye nahanjika. Kaha haze hakiko ukalu wejile,

Satana amuwanyine shimbu kanda Alama alinge. Shikaho, chapwile kaha Lizu Lyenyi Ikiye ahanjikile.

<sup>56</sup> Ngunahanjika chize, Kangwatondele kwenyeka mulwola lwalunene chikuma. Oloze enu vamwe kupwa muchimbalanganyi, chikumanyi vathu kupwa muze mukulovoka mu kuto, kusoloka nge kuliwana chachindende, ha Mujimbu uze Ngunafumu kuli Kalunga lelo, kuli vathu, nge hali mbuto ya linoka. Kaha Nguli nakuya kwimbo, nge Mwata netava, likumbi limwe hali awa makumbi, ku Jeffersonville. Ngwatondele ha ola yamu sikisi mujimbu, kaha kwoloka aze analovoka, talenu, shikaho nachiya nakuhaka muchifwanyisa chize enu namuya nakutachikiza chuma muka etu tulinakuhanjikaho. Kaha MUKIKO MWANAMBE MWATA. Echi chili kaha muchano nge omu apwile omu Echi kumona Ndumbu wapwevo Florence shimbu kanda ayenga, myaka yayivulu. Talenu, Ou unapu Muchano. Kaha jino, etu . . . pamo echi kavachivwishisako.

<sup>57</sup> Kachi muthuumwe mwaya nakwiza kuli yami, chumachimwe chakulimbalaka, Nanguya nakumona echi, amilyavene. Kangwatondele kutoleka chuma kalamuthu kuhanjika. Etu tuli nakutoleka umwe namukwavo. Kangweshi namulonga wa kulinga chizeko; Ngwasakwilila Mwata. Ngunatoleka shili na kuzeneka kufwelela; oloze muthu hakapaji, talenu, Ngwa—Ngwatondo. Etu twapwa—etu twapwa vandumbu vamaunga na vamaapwevo, kulihwingisa, etu tuli nakwiza kuze kuli Ndumbu wapwevo Florence ezanga zau na chimene, talenu. Ikiye . . . Etu—etu vosena twatela kwiza mujila kana. Kaha echi kacheshi punga yamiko ku—ku kweseka kutoleka ndumbu walunga mokomoko ndumbu wapwevo chize kacheshi kuhasa kwitavila hamwe na enuko. Nduma, chipwe kwakusuku na yami kulinga chize! Kangwashinganyeka nge enu namuya nakuwana tepu nge Ngwasanyikile kalamuthu lijina hano. Chize, Ngwevwile nge kapapa kakavulu muthu apwile wakuhenga, oloze chize chili mukachi kavo na Kalunga. Oloze chuma muka chinahenge, mujila ya shili na . . . Kaha kuhona kutachikiza lwola lumwe keshi numba shili ko, chinapu kuhona kwivwushisa cha vathu. Kaha Ngwa—Ngwashinganyeka umwe wetu ali nalusesa kulisolola etu vavene ku kwivwushisa chetu.

<sup>58</sup> Jino ou Tengi wamunene ahakile mwana Neyi kutenga. Jino, Alama apwile Mwanenyi watete kutenga. Yesu apwile Mwa Nenyi umwe kaha *lyamunwe*, talenu, Ikiye apwile na munwe na pwevo. Oloze Alama apwile wakwoloka kufuma kulivoko lya Kalunga, mu tengeso.

<sup>59</sup> Jino jiheadquarters, na mwa Nenyi—Nenyi na kupwa mwenga wa mwa Nenyi hali vosena, chasoloka ngocho mukukupuka. Kuze kwapwilenga na—na lunga, mutwe wa vyosena, mwana Neyi Ivane na mwenga wenyi.

<sup>60</sup> Kaha kala mbuto kupwa yakukupuka, palms, kaha na oaks, kaha mwila, kaha tujila, na tunyama. Kaha vyuma vyosena vyapwile vyakukupuka na Jishimbi ja Kalunga, “Kanda kwalumuka chisemwa chavo. Kuneha vyangocho kupwa na muyachi, kala mbuto! Oak, kanda navakamihingika kwingila mumutondo wa pawpaw.” Talenu? “Palm, kumana ove kawachongonona kuchuma chekako. Oloze kala mbuto hanyima ya muyachi wenyi!” Kaha Ikiye apwilenga—Ikiye atalile kuhichila mulwola.

<sup>61</sup> Kaha Ikiye ahanjikile Lizu. Kaha kutenga Chenyi cha Ngolo kupwa vyuma vya kwiza, kaha numba lunga na pwevo. Kaha vakiko vapwile mutwe mwomwo vakiko vapwile na . . . vakiko vapwile chachinene na miyachi yosena. Kaha Ikiye avahakile vakiko nawa mwishi ya chuma chochimwe chize Ikiye mwahaka mitondo, tunyama, na vyangocho: Lizu Lyenyi. Vakiko vatelele kuhona, ha kulumbununa, kuhokola eli Lizu. Vakiko vatela kutwama Kuze. “Kanda kumbata kala chuma kufuma kuli Echi, mokomoko kuhaka kalachuma kuli Echi! Ove watela kuyoya na eli Lizu.”

<sup>62</sup> Kaha shimbu nge chize kutenga nachiya nakupwa nge ngachize, Ndumbu wapwevo Shakarian kachi atelele kuya chimene chino, kachi nge nachiya nakutwama nge ngachize, luheto lwa Kalunga lwalunene! Echi chikiko etu twafwelela nge etu tuli nakuya kunyima. Etu tuli nakuya kunyima kuze nakuze lipenga, chize chihela.

<sup>63</sup> Kuze kwapwile chimene cha muchitanu nakavali, omwo Kalunga atalile hali vyosena, kaha Ikiye ngwenyi, “Echi chili chamwaza. Ngwa—Yami ngwalivwishile kuwaha na echi. Yaah, Ngwa—Ngwa—Ngunawahilila Ngwalingile chize. Kaha echi chili jino mwishi ya kutetekela. Kaha Ngunahake kufwelela muli Mwanami walunga na muli pwevo lyenyi, nge—nge vakiko navaya (nakulingisa vakiko kupwa mutwe wosena), nge vakiko navaya nakutala hali echi chosena na kumona nge chili chakwoloka, nge vyuma vyosena naviya nakuneha muyachi wacho. Jino ikiye atwama na ngolo ja kulunga chize.” Kalunga jino ambile ngwenyi, “Chamwaza, kachi echi chili chamwaza, kaha kacheshi kuhasa kupwa kalachuma chekako, mwomwo chinapu kufwila Chami Lyavene. Eyi ikiko jila Ngwatondo echi. Kaha Ngunahanjika echi mujila kana, kaha Mazu Ami ananehe vene mujila Ngwatondele. Kaha mukiko chili. Echi chili chamwaza!” Shikaho eyi Mbimbiliya ngwayo, “Kalunga anokesele likumbi lya muchitanu nakavali, kufuma kumilimo Yeniy yosena.”

<sup>64</sup> Kaha vyuma vyosena mwishi ya kutetekela, kuneha muyachi wacho. Jino anuka, “kuneha.” Omwo Ikiye mwahaka mbuto hano hamavu, mbuto yinahase kaha kwiza na ngolo ja kuyoya mukachi ka echi, kwalumuna kufuma mu mbuto ya mutondo,

mokomoko kalamwosena chapwile. Ngolo jenyi ja kwalumuna! Jino, Kalunga ahakile mbuto muze, na ngolo ja chize nachiya nakupwa omwo Ikiye ahanjikile nachiya nakupwa. Kaha kachi nge nachitwama mujila yakwoloka, nachiya nakupwa vene omwo ahanjikile Kalunga nachiya nakupwa. Echi chatela kupwa mujila kana, mwomwo Ikiye achilingishile mujila kana, na kutunga jila. Chize, kalachuma chize cheji kutwamanga mujila Yenyi, mu mukana Wenyi wa Lizu, echi chatela kuneha vene nge Lizu Lyenyi ngwalyo nachiya nakulingika. Echi kacheshi kuhasa kutambuka kufuma muzeko. Echi chili mujila vene chakwoloka. Shikaho, na vyuma vyosena mu kufwelela muli Mwa Nenyi Lyavene, nge nachiya nakupwa mujila kana, kahajino Kalunga ambile ngwenyi, “Echi chili chamwaza, shikaho Nanguya nakunoka. Kaha umwe wavaze jize jimbutu kupwa na ngolo muli ivene, kwalumuna lyavene kupwa mumuyachi uze Ngwafwila ikiko kupwa. Omu mukiko chatela kupwa, mwomwo Ngunahane kala mbuto kwalumuna ngolo, kulilingisa ivene, mu ikiko muli ngolo jino kupwa muli lyavene chumamuka Ngwatondo kupwa.”

<sup>65</sup> Kalunga kanda lyehi alumuke. Chochimwe na lelo nge omu Ikiye apwilenga jino! Kalunga napu wakufwila kulinga chumachimwe. Ikiye mwaya nakuchilinga. Kakweshi chuma nachiya nakwimika Ikiye. Ikiye mwaya nakuchilinga!

<sup>66</sup> Jino hanyima ya echi chosena chamwaza na kuhaka muchiyulo, Kalunga ewwile punduvene jino nge echi nachiya nakupwa chakwoloka, kaha jino, omwo Ikiye alingile, kahajino ejile nakwingila muli mukakole. Nguli nakuya na . . . Kalunga ahanyine ngolo ja kwalumuna. Kaha Nguli nakuya nakusanyika ou mukweze, na ngolo keshi ku—kutunga cheka, oloze Nguli . . . Ikiye apwile na ngolo jakuhasa kupwa muutonji, keshi kwalumunako; oloze kulingisa utonji. Jino, kalachuma chautonji kufuma kupwa chuma chatete, kuli chumachimwe chize chakuhenga chinayi na echi.

<sup>67</sup> Myaka vimwe yakunyima, kupwa mununyangwa, kuya kuhichila muwande wamanona, Nangushinganyeka, kuze kuli mutango kufuma kumutondo, kaha kuholoka kumutondo wa linona. Kaha mutango wapwile nakweseka kupwa mwamwaza nge chapwile ngocho, oloze wapwile nautonji mwomwo chize chumachimwe chasolokele. Kaha uze mutondo kupwa kuze.

<sup>68</sup> Jino etu kuwana chitanjila cha muze muwande. Echi, enu malunga vavavulu hano, kaha pamo enu mapwevo . . . kachi enu namwiza kufuma ku Kentucky. Uze pwevo kuzachisa litemo kuze kupwa hamwe nge muthu walunga, fuma muwande na—na chihwevo, etu kuvuluka kashinakaji kakalukuluku, kaha kuvatula—chitanjila. Mwomwo, kachi enu kamweshi kumbata chitanjila nakulovoka, muze na linona apwile mumukana, nge *ngachize*, jino uze chitanjila kuheta kuze, kukwata na linona, kaha kufwika livene nakusongo, shikaho chachashi, shikaho

mulivemba, chize ove kapwile nakulweka akulijinga. Kaha makumishilo kupwa akuzama na kuzama, kaha kukoka lize linona palanga kupwa chitonji. Kukoka yakulikokela, kulijinga kujingiuluka chivene; utonji kufuma chumauka chapwile, chumachimwe nawa. Oloze nge linona, oloze linapu linona lyautonji.

<sup>69</sup> Kaha etu hanga tuli muchifwanyisa cha Kalunga. Oloze amwe napu nautoji chikuma, kupwa vana va Kalunga, chize kutambuka chakulimbakala na Lizu Lyenyi na mujila ize—ize Ikiye atuwahishile etu mangana tutambuke. Kutwama cha chumachimwe, aka kaye kwalumuka nakulovoka nakuya, kukoka etu kupwa hamwe kuli chize, kaha kufuma kuze vene, kupandama nge Ikiye kupwa wakatumba muli ize, kupwa vana vamaunga na mapwevo va Kalunga. Shili yinalingi chuma chachipi kuli vana vamaunga na vamaunga va Kalunga.

<sup>70</sup> Uze utonji! Ngunatachikza kusoloka kupwa chaungeji kuhanjika muli eyi jila, “ku—kupwa utonji,” oloze muze mukiko ikiye apwile; ikiye avwulumwine, mokomoko kuchongonona. *Kuchongonona* kulumbununa “kwalumuka, kulingisa chumachimwe kupwa chakuhandunuka.” Kaha *utonji* kupwa chumachimwe, chize chnapu chakuneha helu haze na kupwa chitonji, kaha “kupwa muli ize jila.” Ohonyi yinapu mbuto yoyimwe, oloze yapwile utonji.

<sup>71</sup> Jino etu kuwana ou utonji kupwa na lwola lwolumwe, kupwa na utonji, nge Kalunga mwaya nakwalumuna. Jino ikiye atumbile mbuto yenyi, mokomoko, kanda lyehi atumbile mbuto yenyi, ikiye. . . muze mulitepa lya Milemba. Kufuma haze lwola luze, ikiye apwilenga na myaka sikisi sauzande ya kutachikiza Mbuto ya Kalunga, eli Lizu lya Kalunga; kwalumuna Utonji, kulingisa Echi chumachimwe chakuhandunuka; omu ikiye. . . lwola lwatete luze Eve kwivwulila kuli ikiye, kaha kupwa nalivene kupwa umwe chindende.

<sup>72</sup> Anuka, Satana chatete atangile chize Chisoneka kupwa hatoma nge omu chatela kupwa, “Kalunga nahanjika chize, ‘Enu kamwatela kulya kumutondo wosena muze mulitepa lya Milemba?’” Talenu? “Enu kamwatela kulya kumutondo wosenako?”

<sup>73</sup> Kaha anuka jino, Eva ngwenyi, “Eyo, etu tunahase kulya kala mutondo; oloze mutondo uze uli mukachi ka litepa, etu twatela kukwata kuchikiko.” Jino tala hali ikiye, muli ou mujimbu wenyi, kuchongonona Lizu chindende. Mu kuhanjika. . . Eva ngwenyi, “Mwomwo Kalunga ngwenyi, chize, kachi etu natulinga echi, lize likumbi etu ‘kufwa.’”

<sup>74</sup> Ikiye ambile ngwenyi, “Mamalelo, punduvene ove kaweshi kufwako.” Talenu, ikiye apwilenga nge—nge muthu, ikiye ambile ngwenyi, “Ove—ove—ove linga echi jino. Kaha, ove—ove uli—ove uli muyachi wa vathu wakuhona kutachikiza. Ove, mukiko vene,

ove unahono kutachikiza vyuma vyosena. Oloze kachi ove muya kaha nakupwa wakutambula kuli echi, kahajino ove watela kupwa na mangana, ove upwenga na chinyingi. Enu mwatela kutachikiza kuhenga na kwoloka nakupwa nge tulunga, ove, kachi ove muya kaha nakupwa na echi mangana Nguli nawo. Ngunatachikiza, oloze ove kaweshi kuhasako.”

<sup>75</sup> Echi, echi chili chosena chakwoloka kupwa na mangana. Oloze kachi mangana analimbalaka, kachi mangana kaweshi akwolokako kufuma kuli Kalunga, mangana a Ukalunga, kaha kwiza nakupwa na mangana achisemwa, Kangwalizakaminako sayasi muka etu tuli nacho, kaha na vyangochi, mokomoko kutanga, chinapu cha liyavolo. Nanguya nakwinkikiza kuli ove, nge Mwata netavila, muminyutu yayindende. Ali liyavolo.

<sup>76</sup> Kutona chinapu cha liyavolo. Ngwatela kaha kuhita nakunangula hali echi. Chisemwa chosena hano hamavu, jingolo josena ja sayasi, na vyuma vyosena, vya liyavolo. Ou unapu mujimbu wenyi ikiye anangwile, chinyingi, muze mulitepa lya Milemba. Kaha ikiye ambachile chinyingi, chinyingi chakuchongonona, kulimbalaka na Lizu na puna ya Kalunga. Kaha jino ikiye apwilenga na myaka sikisi sauzande kulinga vene muze alingile Kalunga, kupwa kaha mujila yakuchongonona, kaha kumbata lwola lwolumwe kuneha mulitepa lya Milemba. Jino ikiye akwechi Etene hano hamavu, kaha ali wakuzala na mangana, chinyingi. Uze mujimbu wenyi ha kuputuka, chinyingi, mangana, sayasi. Kanda lyehi Kalunga kanda kukwata chumakana. Kaha Ngwa—Ngwatondo enu kutala ha munyutu. Ikiye alingile echi, kaha mwomwo ikiye apwile muthu wa mangana akaye.

<sup>77</sup> Jino, echi chili chachikalu kuhanjika echi. Echi chili—echi chili chachikalu, mwomwo kuhanjika kuli vathu vase vali nakwivwa mujila yoyimwe Ngweji kulinganga, kaha mujila Ngunapunga na myaka yayivulu. Oloze kufuma mukusokolola tuze Tutachikijilo Tutanu natuvali, hali vakiko Vangelo kukinduluka kunyima ya pili, *Echi* chineza nakupwa Mukanda wauhya. Echi chinapu vyuma vize vanasweka, kupwa kusoloka nge Kalunga ashikile mu Kusoloka 10, Ikiye mwaya nakuchilinga. Kaha etu tuvathu vali nalisesa nge Kalunga nasakula, hano hamavu, mangana etu tumone na kwivwushisa vyuma kana; chize kachapwile vishimo vimwe, vishinganyeka vyavihya vya muthu kweseka kulinga echi. Eli linapu Lizu lya Kalunga kusoloka, kwinkikiza, nge Echi chakwoloka. Kwinkikiza, keshi ha sayasiko, oloze hali Kalunga, nge Echi chakwoloka. Kalunga, nge omu Ngunahanjika shimbu kanda mu mujimbu, Kalunga katonda kalamuthu kulumbununa Lizu Lyenyi. Ikiye napu Lyavene Mukakulumbununa. Ikiye ahanjikile nachiya nakusoloka, kaha kusoloka. Chize chunapu, Ikiye—Ikiye kwinkikiza echi, chize chili nakulumbununa.

<sup>78</sup> Myaka yayindende kunyima omwo, etu vathu va chipendekosita, omwo aze—aze mauka akwavo atulwekele nge etu kupwa “kuzaluka,” etu “katweshi, uze Shipilitu Wajila apwile chuma chakunyima.” Oloze etu tunawane nge lushiko lwa Kalunga lwapwanga kuli wosena mwaya muchima, kaha jino etu tunatachikiza mwakuhandunuka. Talenu, kaha chize chinapu chachindende chindende, echi chuma kusokoloka.

<sup>79</sup> Kaha jino Ikiye ashikile nge mangana akusweka aze anapunga akusweka muli vize, visemunuino vya mauka, kuya nakusoloka kuze kulwola lwakusongo. Kaha Ikiye eji kutwechela etu kutachikiza jino. Etu tuli kulwola lwamakumishilo. Etu tuli hano jino.

<sup>80</sup> Jino, Satana napu mukakuhana kutona. Ikiye napu mukakuhana sayasi. Ikiye napu mukakuhana kutanga.

Ove ngwove, “Ou unapu muchano?”

<sup>81</sup> Chosena chakwoloka, echa tutangenu mu Lizu lya Kalunga jino, Kuputuka 4, kaha echa tuyenu kunyima na kumona ha munyutu kaha. Ngunatachikiza Ngunahase...kachi Nangushimbula chikuma, Ndumbu walunga Carl mwaya nakungulweka. Oloze, Kuputuka, kapetulu 4, kaha vasi 16, kutwalilaho kumulweka hano, mukuputuka, chumamuka Kalunga alingile, mujila yikwavo muchihela kwangula hali muthu na mapwevo, kaha chize chosena vakiko valingile; kaha keshi *changu* hali vakiko, oloze kuvalweka chuma muka nachisoloka, na kwangula mavu a Alama. Kaha etu tunawane hano jino, nge Eva apwile na twende. Kaha umwe wavo apwile wa Satana, kaha umwe wavo apwile wa Kalunga.

Jino enu ngwenu, “Hu-mamalelo! Nduma. Jino, Ndumbu walunga Branham!”

<sup>82</sup> Munyutu kaha. Enu namuwana Chisoneka chimwe, kwosena, nge kuhanjika nge Kena apwile mwana Alama. Nanguya nakumilweka mu Chisoneka kuze Chahanjikile, “Kena apwile umwe wamupi,” keshi Alama.

<sup>83</sup> Jino talisenu omwo ikiye nemita hano. Etu twaputukile kapetulu 4, chatete.

*Kaha Alama alimwene...pwevo lyenyi; kaha ikiye emichile, kaha nakusema Kena, kaha ambile ngwenyi, Ngunakwate...ikiye ambile ngwenyi jino, Ngunakwate mwana wa lunga kuli YEHOVA.*

<sup>84</sup> Mukiko vene, chatela kupwa. Chipwethuhu kachi apwile lihule mokomoko kalachuma, chatela kufuma kuli Kalunga, talenu, mwomwo ize ikiko mbuto Yeniyi, yinapu lushimbi lwa mbuto Yeniyi, echi chatela kuneha cheka kupwa mbuto yakuhenga, mbuto yakuhenga, mokomoko kalamwosena omu. Echi chatela kuneha, mwosena omwo. Echi chinapu kutuma Cheniyi.

*Kaha ikiye cheka nawa asemene songo yenyi Avele.*

<sup>85</sup> Kamutachikijile chekako. Alama alimwene na pwevo lyenyi, kaha ikiye asemene Kena kaha na Avele, vapasa. Satana apwilenga na chimene chenyi, Alama uze musana.

<sup>86</sup> Enu mwamono kulipika chachinene mulipapilo hano, Ngwafwelela, mu Tucson jino, wa uze pwevo kuneha mwana wamulatu na mwana utoma, halwola lwolumwe. Ikiye ayoyele na lunga lyenyi chimene chize, kaha uze lunga musana uze. Kaha uze lunga mwaya nakulama . . . uze muthu utoma ambile ngwenyi kuzakamina mwanenyi, oloze uze lunga wamulatu atela kumbata kuzakamina venyi. Talenu? Ngunatachikiza nge, mukusema va tuwa na vyangocho, echi punduvene nachiya, kachi echi chili mumaola amandende hanyima yachize. Echi chinenjikiza.

<sup>87</sup> Jino kusolwesa chize kutona kwiza nakufuma, jino echa tutange Kuputuka hano, mu kapetulu 4 wa Kuputuka cheka, kaha kumona kulih. Ha vasi 16.

*Kaha Kena afumine kumeso a Kalunga, kaha ayile nakutwama mulifuchi lya Note, lili kumusamuko kuze kuhambakana ku Etene.*

*Kaha Kena alimwene na pwevo lyenyi; kaha emichile lijimo, kaha na semene Enoke: kaha kena atungile limbo, alukile limbo lize, lijina lya . . . mwanenenyi walunga lya Enoke.*

<sup>88</sup> Kutona chaputukile. Ndotolo Scofield, hano mu Mbimbiliya yami ya Scofield, ngwayo, “Chize kutona chatete.” Talisenu, kahajino ikiye asemene vana, kaha vakiko vatungile lizavu na myaso. Mukwavo umwe asemene vana vamaunga, kaha ikiye aputukile kulinga vyuma vyeka, vihayamisa, kutunga jimbongi, kaha—kaha kulingisa vilyo vya unengu, na vyuma vyosena. Talenu, omu mukiko ikiye alingile, kwiza nakupwa kutona chatete, chize chapwilenga Kena. Ikiye nalingi chuma chochimwe kuhita muvisemunuino vyosena.

<sup>89</sup> Jino echa tuyenu ku vasi 25, kaha tala chuma muka nachishisaho.

*Kaha Alama alimwene cheka na pwevo lyenyi cheka, jino, kaha ikiye asemene mwanenyi walunga, kaha amulukile lijina lyenyi Sete: Mwomwo Kalunga, na ngutongwela mwana weka wakushisa muli Avele uze Kena amujihile.*

*Kaha Sete . . . Kaha kuli Sete, kuli ikiye nawa asemukile kupwa mwana walunga; kaha ikiye asanyikile lijina lyenyi Enoch: kaha hazevene vathu vaputukile kusanyika ha YEHOVA ha lijina lyenyi (kusali ya Sete, keshi kusali ya Kena' ko).*



<sup>90</sup> Talenu, chize kutanga chachinene chize etu vosena twakwachilila! Communism chumamuka lelo, nyi kalunga kavo muka? Echi chinapu kutanga, sayasi. Chuma muka etu tuli nakulinga, mwosena omwo? Kulihi etu tuli nakuyoyela? Tachikizenu awa mazu lelo.

<sup>91</sup> Jino ikiye ali na muyachi wa Milemba, Satana eji kulinganga jino. Mu myaka sikisi sauzande, ikiye natungika (keshi kutengeka), oloze, kutengulula mavu a Kalunga, Tengeso yenyi, tunyama, kusemesa, kusemesa; mitondo, mitondo, muthu; numba kulifukula, Mbimbiliya, liuka; palanga ikiye ali lyavene na milemba ya Etene, ya sayasi, vyuma vyosena kutambuka na sayasi. Jimotoka, vyuma vyosena etu tuli navyo, vamuhanyine kuli etu na sayasi, ika muthu nalingi. Kaha ikiye akwechi Etene yenyi yayinene hano; kwinjikiza ou Mujimbu unapu lwola, kwinjikiza nge keshi chisemunuino chekako oloze Kusoloka 10! Tala ha kusemesa lelo, kulingisa kanawa, mokomoko, wamwaza, keshi kanawako. Tala hali vana vavandende lelo.

<sup>92</sup> Ngwatwalile mwanami wapwevo kuli mukakuzokola mazo, zau, kaha ikiye kupwa na lizo apwile akwalumuna. Ndumbu walunga kuze ku Tucson, Ndumbu walunga Norman, apwile na mwanenyi wapwevo wamundende, kaha mazo apwile nakulikuma. Kaha uze mukakuzokola mazo kuhanjika washiwahsi, ikiye afwelela, chize pamo mulwola lwakwiza, nge vathu navaya nakupwa wakusemuka, mazo kukula mukala jila. Echi chinapu kulya chize etu tuli nakulya, kulya chakufutula.

<sup>93</sup> Enu mwatanganga mu *Reader's Digest*, kakweji unahichi, hali Billy Graham, mukakwambulula mujimbu wamwaza? Munapunga nakwivwulila ikiye? Ngwalombo hali ikiye chikuma kuhambakana. Omu ikiye ahanjikile kuli vaze valumwine jikola, kaha na vyangocho, ufuku ukwavo, kuchihaka hali vakakutangisa. Chumachimwe chinasoloka kuli ikiye. Likumbi limwe hali awa makumbi, Ngwafwelela ikiye eji kumonanga chihela chenyi kuze ikiye ali, talisenu, jino ali nakusanyika kufuma ku Satome, ize mbongi ya kuchongonona. Kaha jino talisenu echi mu *Reader's Digest*, Billy apwile na kuzeya chize ikiye kahashile numba kukwata kuliwana chenyiko. Kaha vakiko vumulwekele ikiye nge nachinyina ku, nakulaha, na vyangocho. Shikaho ikiye kulaha milosi yimwe ha likumbi, Ngwafwelela chili, mokomoko chumachimwe, kupwa nakulaha.

<sup>94</sup> Muthu napolo. Muyachi wamuthu wosena unalyenyeka. Vyuma vimwevili nge vyapwile mulwola lwalivaji. Echi chili vene chakupihisa kumuchima, kwalumuka nakujinguluka, chakuhandunuka kufuma mujila yakwoloka ize Kalunga atumbile muli vakiko. Shili, kuhichila mu sayasi na kuhungumwisa, vanachongonona muyachi wauthu wosena.

<sup>95</sup> Mwatangile nawa wishi yauze mukanda, kuze yahanjikile, "Mumakumbi ano, vaze vanyike vamaapwevo na vamaalunga

vali mukachi ka chisemunuino chavo, kutesekesa na kuwahisa chakumujimba, mukachi ka twende faifi myaka yakusemuka”? Shinganyeka hali echi.

<sup>96</sup> Mukutumbununa ufuku ukwavo, Ngwambachile uze kanyike wapwevo mumyaka twende tu, mulwola lwakusema, amusanyikile. Kaha omu mukiko ndotolo amulwekele ikiye.

<sup>97</sup> Talenu, echi chinapu chakuholoka, chakulyenyeka, kukashiwa kuhetese muyachi wakupola. Ngunatachikiza nge kuvwuma keshi chumako, oloze chinapu Mbimbiliya, talenu, ou ukiko muchano; kaha muyachi kana etu tuli nakuyoyelamo, chino chisemunuino cha vathu.

<sup>98</sup> Jino talisenu lelo, kufutula vangombe, kufutula mitondo; kaha sayasi kwiza nakwingila nakujinguluka, sayasi yoyimwe ize yalingile chize, kuhanjika, “Chikiko chili nakwenyeka muyachi wosena wamuthu.” Enu tangenu echi chochimwe nge omu Ngunalingi. Chamwaza, mwomwoika vakiko vahonene kuchimika? Chili mwomwo vakiko vahonene kuchimika. Lizu lya Kalunga linahanjika nge nachiya nakupwa mujila kana. Oloze kachi vakiko navashinganyeka ha munyutu, vakiko vanapu vizachiso, nge Yuta Sakaliyote, kuswanyisa chuma chivene chize Kalunga ahanjikile nachiya nakusoloka. Echi chili nakulinga vene ha chikuku cha sayasi.

<sup>99</sup> Ha kukekesa cha sayasi, mukusoloka chochimwe ikiye kuhungumwisa Eva, ikiye nawa ahungumwishile liuka, kuze kuli Eva apwile chifwanyisa. Jino, jino Alama chifwanyisa kuze cheka, mokomoko Eva, vene, cha liuka, talisenu chuma muka chalingikile. Chipwe kuhitangana ha chinyingi, ikiye kusenunuka kuhita mumukana mukachi ka kwoloka nakuhenga, ha kwivwulila kukuchongonona cha Satana, mokomoko kutohwesa, cha Lizu lya Kalunga lyatete.

<sup>100</sup> Kaha jino mauka lelo ananeza nakupwa utonji. Jino Kangweshi nakuhanjika hali vathu, muthu ukawenyi. Nguli nakuhanjika ha liuka lya kaye. Limwe lyakuchongonona mujila yimwe, kaha yikwavo mujila yeka, kaha ha sayasi. Chochimwe chize ikiye alingile. Ikiye ambachile woma wenyi, Satana ali, wa Isaya 14:12.

<sup>101</sup> Echa tutangenu echi ha munyutu. Mu Mukanda wa Isaya, echa tuputuke kapetulu 14, vasi 12.

*Ove litota, ove mwanakupilika, Ove Lucifwa, mwana cha chimene! nahosomoka kukupila kufuma mwilu, wahoneselenga vaka mafuchi!*

Ou napu Isaya kumona ikiye mu chimweno, talenu, mu chisemunuino kwiza.

*Kaha ove walyambile mumuchima wove ngwove, litanda lyami lya wangana nangulizezula helu lya vatanganyika ja Kalunga: Nangukatwamanga hapili*

*yakukungulukila kusongosongo ya...kumutamba wa note*

<sup>102</sup> Punga ya satana, kufuma mu Milemba, yapwile kulitungila Milemba yenyi; nakulitohwesa helu, shikaho vatanganyika va Kalunga navakaya nakulifukula kuli ikiye, vana vamaalunga navakaya nakulifukula kuli ikiye. Kaha ikiye apwile vene wakumbachiwa nakulovoka jino, kaha omu ikiye alingile echi kaha kuneha nakwingila muliuka. Echi, Kangweshi kuya mukujiminyina ko. Kala muli enu kwivwulila kuli eji jitepu kutachikiza hali echi. Echi—echi chili vene ola etu tuli nakuyoyelamo, kaha ali Satana uze achilingile kuhichila mu kwala chakutanga, kupwa kanawa, kupwa na echi, kupwa *chize*. Kaha kuhona kutachikiza, lwola lwosena, vakiko vali nakutambuka muzevene mukufwa. Kapuputa, kutetekela kapuputa, vatwamina vatupupuka va mafuchi, vatwami vatupuputa va sayasi, vatwamina vatupuputa va liuka, kapuputa kutetekela kapuputa. Yesu ambile ngwenyi, “Vechenu vakiko ukawavo, vakiko navakaya nakuholoka muwina.”

<sup>103</sup> Hano talisenu muyachi wa milemba yivali kupwa yakulihata hamwe, palanga kuheta nahaseteko yakuhungumwisa navaze Vakusakula. Matewu 24:24 ngwenyi ngana nge nachiya nakupwa mujila kana. Oloze Ngwatondo kwimana hatando yayindende kaha kutala hali ize Milemba yivali, kaha chumachimwe chikumanyi, omu Mbimbiliya yatulweka nge Lizu lya Kalunga lyanehele ize Milemba, kaha omu Lizu lya Kalunga kuhuhumuna etu nge kuli nakwiza Milemba yikwavo.

<sup>104</sup> Jino, etu nawa tunatachikiza nge kwatela kupwa Milemba yikwavo, kachi etu tunahase nawa kwivwulila kuli kapolofweto, Paulu, mu Tesolonyika Wamuchivali kapetulu 2. Ngurahase kutanga Echi kachi ove unatondo.

Wose mwalizezula lyavene, lize *likumbi kalyeshi kwiza*, lya Mwata, kuvangila uze *muthu wa shili vanamusolola*,...

...ikiye uze atwama mu tembele ya Kalunga, nakulizundula *lyavene helu lya vyosena vize vavuluka kupwa Kalunga*, shikaho nge ikiye nge Kalunga veji nakulifukulangayo nge Kalunga.

<sup>105</sup> Shinganyeka hali chize! Jino Isaya 14, uze kapolofweto ambile ngwenyi ikiye amwene “Lusifwa, mumuchima wenyi,” kuhichila mu chimweno mwishi ya kuhwimina cha Kalunga, “kuhanjika ikiye mwaya nakulinga chize.” Mu Isaya, myaka eyiti handulendi shimbu kanda Paulu, mokomoko kuhatako.

<sup>106</sup> Jino hano, myaka eyiti handulendi kufuma haze, Paulu amwene ikiye, kwiza muchihela chenyi. Talisenu, yinahete na, mumilemba; Milemba ya mu sayasi, na sayasi yenyi yakaye, na mwenga wa liuka lya chisayasi, vosena mwishi ya—ya lizu lya

“chinyingi,” mashikola amanene, mandingili amanene, kwala chakutanga.

<sup>107</sup> Ivwulilenu, ndumbu walunga, ndumbu wapwevo, umwe wavo kuli etu kuya nakutambuka nakuya mujila nge Florence kutambuka. Ngwalombo ove, mu Lijina lya Yesu, kutachikiza Echi. Keshi kungutachikiza yami ko. Yami ngu ndumbwenu walunga. Chize—chize kacheshi ngochoko. Tachikizenu eli Lizu lize Nguli nakuhanjika, mu Mbimbiliya ya Kalunga. Kaha tala kuhichila, mukukupuka kwinjikiza mu Lizu lya Kalunga Ivone, mu chisemunuino etu tuli nakuyoyelamo, muze etu tuli.

<sup>108</sup> Eji jipunga vali vene mukakole wa kulishitu, muli vavene. Jino, ikiye atela kupwa na Milemba, ikiye ngwenyi ikiye mwaya nakuchilinga. Hano hakiko hali Lizu lyawashi lya Kalunga kuhanjika ikiye mwaya nakuchilinga, kaha hano etu kutala kanawa na kumona ikiye kulinga chize. Ikiye nalingi echi na kutanga chenye, sayasi, mwenga wa chikungulwilo. Ikiye mwaya nakumbata mutwe, likumbi limwe hali awa makumbi, mu Kasulu ya Mauka a Kaye ize nayiya nakuyitulika. Vyosena naviya nakupwa na ikiye.

<sup>109</sup> Kweseka vathu, keshi mwomwo vakiko vapwa vathu vavapi; vakiko vavatumbile mumukana, nge linona, oloze Satan kutumba chitanjila, vavuluka kupwa sayasi, kukekesa, kutanga, mandotolo naji ndingili. Lwola lumwe vakiko kaveshi numba kumwechela enu muli mukakutanga kuvangila ove musolola ndingili ya ndotolo kufunma kushikola kumwe. Echi chinapu chakuhenga! Keshi vathu; echi chinapu kwala chize chakuhenga. Kaha jino chuma muka chinalingika? Echi chili chosena helu cheka, kaha kuneha kaye kosena (kuhichila mu lizavu lya kusakisa, kuchongonona cha Mbuto yatete ya Kalunga) kwilava chikwavo.

<sup>110</sup> Oloze Ngunawahilila nge Kalunga nahakeko muchima kuli etu cheka, nge Ikiye hanga atambuka helu meso nameso ya seteko. Ikiye ashikile Ikiye mwaya nakuchilinga, kaha kusanyika utanga waundende uze naukapwa Mwenja Wenyi.

<sup>111</sup> Talisenu hano cheka jino, omu chapwa chakukupuka kuli awa mauka amuyachi kana, mokomoko eyi Milemba.

<sup>112</sup> Kalunga, kuhichila mu Mbuto ya Lizu Lyenyi! Kaha kuli kaha chuma chimwe chinahase washi ku Lizu, kaha ou ikiye Shipilitu, mwomwo Napu Mukakuhana Kuyoya ku Lizu. Kaha omu Kuyoya mu Lizu kuliwana na Kuyoya cha Shipilitu, Nachiya nakuneha kala Mbuto.

<sup>113</sup> Jino talisenu chuma muka chasolokele. Muze mulitepa lya Milemba yapwile chiyoyelo cha Kalunga chakulimanyina, kaha ize yapwile yimwe ya—ya visemunuino. Chize chisemunuino chatete chapwilenga vakuzeneka mulonga, vathu vatachikijile shili. Vakiko vahonene kutachikiza kalachuma ha shili. Vosena

vavali Alama na Eva vapwile uselesele, oloze vakiko vapwile vakusweka kufuma muma uselesele wavo, ha shipilitu lihina kumeso avo. Vakiko kavatachikijileko nge vali uselesele, mwosena, mwomwo vakiko vapwile vakusweka. Mwomwo, lihina lya Kalunga mukachi ka vishinganyeka vyavo, vakiko kavatachikijileko chuma chakwoloka na chakuhenga. Kaha vakiko vosena vemanjine kuze uselesele, kusolola nge chinyingi kacheshi nakwiza kuli vakiko, talenu, nge vakiko vapwile vauselesele. Vosena vavali vapwile vauselesele kaha kavachijivileko.

114 Jino kachi ove muya nakwalumuna, kachi ove unatondo, mokomoko kusoneka echi, ku Kusoloka, kapetulu 3. Ou Shipilitu Wajila kupolofweta chisemunuino chamakumishilo, ku Chisemunuino cha Liuka lya Chipendekosita mu makumbi akumakumishilo, Ikiye ambile ngwenyi, “Ove wapwa uselesele, kaha kapuputa, kaha kutachikiza chiku.”

115 Kuli Mbuto ya Kalunga, yakuzeneka mulonga, vanahono kutachikiza nge vali uselesele, mwishi ya lihina lya Shipilitu Wajila, kuvafwika kufuma mushili.

116 Kaha jino mu chisemunuino chaliuka chamakumishilo, etu tunawane hano nge vakiko vali uselesele cheka, kaha kavachitachikizako. Oloze echi kacheshi lihina lya Shipilitu Wajila. Lize linapu lihina lya Satana kufwika hali Eva kunuyima kuze, lihina lya lwisu, lihina lya lwisu. Vakiko vali vaunyengwe palanga vakiko vanahono kutachikiza nge vali uselesele, mapwevo jetu mujila, na jiputula vanavwale, kuvwala cha usunda.

117 Muthuumwe kutuma chihanda mulipapilo likumbi likwavo, kuvwala chachihya ndeleji yayihya ize vakiko vali nakuya nakvwala, Ngwashinganyeka, fwoteni inches kufuma ku matongo, mokomoko chumachimwe. Kaha Ngwalikomokela kachi etu—kachi etu mapwevo kulinga nakutachikiza nge lihina lya lwisu?

118 Jino enu—enu munahase kuhanjika, “Ngunahase kwinjikiza, kumeso a Kalunga, nge Nguli wakuzeneka mulonga wa kala ujila kuli lunga lyami, mokomoko Ngu—Nguli. . . vyosena evi.”

119 Oloze hanga, ha Kusopesa, ove muya nakupwa wakusanyika “mukaujila.” Eyi Mbimbiliya yahanjika ngocho. Yesu ambile ngwenyi, “Wosena mwatala hali pwevo nakumuvwila lushiushiu, nalingi nenyi ujila na ikiye mukachi ka muchima wenyi.”

120 “Kapuputa, uselesele, kaha kavatachikizako!” Keshi vaze mapwevo vakuhutwa kuze; kakweshi chuma Ngwapwile nakole navakiko. Echi chinapu chachipi! Kaha zachiso ya liuka kusoloka kuhona kutachikiza echi mokomoko kwimana hali chize; echa vakiko kuteula jikambu, kuvwala jiputula na vyuma,

mwishi ya lijina lya Vakakulishitu. Chuma kana chachikalu! Talenu, vakiko vali uselesele cheka, mu Milemba ya Satana, kaha vanatachikiza echi. Vakiko kavatachikijileko.

<sup>121</sup> Ngwafwelela Ngwamono, pamo, kutala nakuhita hano, muchijiva chakusanyina, na mapwevo muze jino. Kachi uze pwevo kaha atachikijile nge chuma muka ikiye ali nakulinga, oloze ikiye katachikizako. Ikiye ali uselesele. Mujimba wenyi wakujila. Ikiye kuzula uvwalo uze Kalunga amuvwikile, na lilambu, cha chisemunuino. Ikiye kutwalilaho kuvatula. Ikiye napu wauselele, mwishi ya lizu lya “kutona, shikola ya helu, kutona chamwaza, zachiso chahelu.” Echa ngupwenga wakunyuka nge echi chingilemo. Echi chili cha liyavolo, kaha navaya nakumisa ha Kwiza cha Mwata Yesu. Nachiya nawenyeka, mwoyeni mwamundende. Kuze kwakweshi kupwa chumachimwe chakuselako.

<sup>122</sup> Kaha, mamalelo, sepa, kulifuchi lyosena, nge omu muli nakungwivwulila yami muno mu Phoenix, kushinganyeka vyuma kana! Ove uli hano mutwe wachihande kuli vakiko. Jino, Yesu ngwenyi chize, “Vakiko vanahase kuhungumwisa vaku Sakula kachi chahashile.”

<sup>123</sup> Uze shipilitu watete apwile...lihina lyatete lyapwilenga lihina lya kujila, Shipilitu Wajila, kaha ikiye atelele kutala hali Chize. Oloze omu—omu Satana kuputuka kuhanjika kuchinyingi, ikiye kupwa nakumbata kupwa chindende mu kaye.

<sup>124</sup> Kaha chize vene chumamuka mwanenyi wapwevo muliuka, kulinga. Ove watela kumona, ove watela kuvwala nge tanganyika wakatambuka, mokomoko mukweze atela kulinga nge Elvis Presley mokomoko—mokokoko Pat Boone, mokomoko—mokokoko vathu vamwe, mwishi ya lijina lya kulifukula.

<sup>125</sup> Pat Boone yapwa Liuka lya Kulishitu. Elvis Presley napu Pendekosita. Vilinga vivali vya ndemoni vyakumbila mukaye kuhambaka kuhambakana Yuta Sakaliyote kumusolola kuli Yesu Kulishitu. Vakiko kavatachikijileko. Vaze vanyike vamaalunga vanahono kutachikiza chize. Kakweshi chuma Ngunafumbukila vaze—vaze vanyike vamaalunga, maalunga, eyi yinapu shipilitu yeji kuhizumwisanga.

<sup>126</sup> Kupwa kaha kusali yimwe, echa chitanjila kupwa umwe wamundende kujinguluka chiyachi cha linona, lwola lumwe, tala chuma muka nachisoloka; linona linayi. Mamalelo, yaa, echi chinalingika. Kaha omu mukiko mujila nachiya nakulingika. Nachiya nakulingika lwola lwosena. Eva ambachile kutala chimwe chakaye.

<sup>127</sup> Kaha echa nguhanjike chumachimwe kuli ove, ndumbu walunga na wapwevo. Mu Yowano Watete, kapetulu 2 na vasi 15,

etu tunahase kutanga Echi kachi enu mwatondo, eyi Mbimbiliya yahanjika:

. . . *Kachi* etu *twazanga kaye*, mokomoko vyuma vya kaye, chili mwomwo *zangi ya Kalunga kayeshi* muli etu ko.

<sup>128</sup> Jino, lizu kuze keshi ha *mavu*; echi chili mu lizu muchi Ngiliki, chili *kosmos*, kulumbununa “chiyulo chakaye.” Kachi etu twazanga vyakusoloka hamavu, kaye, kachi etu twazanga nge likumbi lize, kachi etu natushinganyeka “elu lunapu lwola lwamwaza, mamalelo, etu tukwechi vyuma vyosena,” kachi ove mushinganyeka echi, chili mwomwo kushinganyeka chove chakuhenga. Vanachongonona kuli liyavolo. “Mwomwo kachi enu namuzanga chiyulo cha kaye, na vyuma vya kano kaye, echi chili mwomwo zangi ya Kalunga kayeshi muli enuko.” Anuka chize. Ove Kalunga! Tala omwo etu tuli nakutala nakwingila!

<sup>129</sup> Hano Ngwatondo kwimana munyutu kaha kukulweka ove mujimbu waundende. Ngwevwile mukakunangula wamukembwe kufuma ku Jita Yatete ya Kaye. Vakiko vamwashile. . .

<sup>130</sup> Nge Satana hakuputuka, omwo ikiye ejile nakwingila mulitepa lya Milemba. Ikiye kahashile kufula jize Jimbutu. Ikiye kahashile kwenyeka vakiko. Oloze ikiye kumwangila na ulembe, kaha utonji wa Mbutu, echi kacheshi nakuneha muyachi kana. Ou utonji ya Mbutu yakumaputula.

<sup>131</sup> Kaha omu mukiko kwala chosena cha kulifukula. Vakiko vanapu lika vana vamaunga kaha vamaapwevo va Kalunga, oloze echi chinapu utonji. Vakiko kuya kuliuka, kutonji kulinga mwakwoloka. Uze mwole kwingila mukupita kulumbununa pwevo. Mukakuzata kanda kuya nakuhita mushikola kupwa kaha nge—nge—nge muthu wamupi. Ove kaweshi kulinunga na liuka ko, na kulimeneka mumavoko, haka lijina lyove mumukanda, mokomoko kalachuma ove mulinga muliuka lyove, kupwa muthu wamupi. Ove kulinga ngachize kuli muthu wamwaza. Oloze kuhungumwisa, uze unapu utonji uze weji kulinganga. Satana kumwanga echi. Talenu? Kalunga kanda lyehi apwenga na chikungulwilo. Kakweshi chuma chimwe kumwewana mu Mazu a Kalunga.

<sup>132</sup> Kalunga napu lizavu lyetu, etu tuli vakulizanga muli Ikiye, Mujimba, muli Kalunga, Mwilu. Echi chakwoloka. Majina etu ali mu Mukanda wa mwana Mukoko wa Kuyoya. Talisenu.

<sup>133</sup> Oloze, talenu, Ngunatachikiza chili chachikalu, oloze Ngwa—Ngwatondo enu kuyanda chindende kachi ove muya. Mulwola lwa jita ya kaye. . . Ngukonekelenu ha kuya nakufuma mu mutwe wami.

<sup>134</sup> Oloze kulingisa echi kwinyika, Ngwa—Ngwatondo kumihana enu kukekesa kuchuma muka Satana alingile

mu Milemba: kumwanga ulemba waupi nakumwanga. Ove unatondo kutachikiza chumamuka chamwanga nge omu chapwile? Ngunahase kumilweka. Ngukwechi chifwanyisa cha echi, mazu avali: kuzeneka kufwelela, echi chinapu chakulimbalaka na lufwelelo, kumwangila kuzeneka kufwelela, kukakasana. Kaha sayasi kuzalila muchihela. Muze muchihela, muze kuya nakwingila Mbuto, Satana wakuzala muchihela na kutachikiza kaha sayasi na kutona, kaha unapu utonji wosena, kutengeso yosena ya Kalunga.

<sup>135</sup> Ngunatachikiza ove unashinganyeka Nguli nakupwa kuli enu hamutango, oloze Nguli ha mutango na enu. Kaha etu tuli wosena hano kweseka kuwana chuma muka etu tunahase kulinga. Etu katweshi nakuhanjika vyuma kana vya kuhandunuka. Etu twatela kupwa vakushishika.

<sup>136</sup> Etu, umwe wosena, kwiza kumakumishilo a jila, kuze etu natuya nakukumbulula ha lizu lyosena. Hano vene, etu tunatachikiza nge mazu etu... Omwo etu twasemuka, kulila chetu chatete cheji kuyanga lika haji tepu. Echi nachiya nakuhemene cheka ha Likumbi lya Kusopesa. Numba uvwalo enu kuvwala nachiya nakusoloka kumeso ove, ha Likumbi lya Kusopesa. Numba sayasi yinawane chize, ha chisaji chamivwimbimbi. Talenu, chisaji chamivwimbimbi kacheshi kutunga chifwanyisako, eji jijila kaha. Uze ulombo wa uvwalo, lwola lwosena kutambuka, kala vishinganyeka muvishinganyeka vyavo, kupwa vene mukulama cha Kalunga. Kaha chize chuma chachinene kuya nakupwa kumeso ove, kala muthu kuvwala uvwalo wamajilo; kala lwola enu mwayile ku chitanda cha kuteula, kuvatula jikambu nge Kalunga kumihana. Echi chili ankuya nakupwa. Ove muya nakukumbulula hali echi. Ove kaweshi kuhasa kutambukako hazevene, kupwa kaha na vishinganyeka vya muchima shimbu ove uli nakulinga, navaya nakuyimba kumeso enu. Namukaya nakupuluka ngachilihi? “Kaha etu natukapuluka ngachilihi kachi etu natuhumbula ulwilo waunene ngana?” Talenu? Etu katweshi kuya nakuchinako. Kala kutambuka, kaha vishinganyeka vya muchima, vili vya kusoneka kumeluakwavo, numba mumaulombo auvwalo enu munavwale. Chisanji chamivwimbimbi, chisanji chamivwimbimbi chaulumbo kwinjikisa kupwa chakwoloka, kukoka na kusolola echi, talenu, kaha muze muliu likwavo kufuma seli nge etu kuyoyelamo. Talenu?

<sup>137</sup> Jino omu ulembe unakwate liuka, kuveta hamavu! Ulembe wa satana hali jize Jimbuto, kuhaka mukahela muli echi kaha kupwa na utonji. Kuhambakana na kuhambakana, ikiye kwingisa nakushikumuka kwingila mumichima ya mauka, kaha mukachi ka michima ya vathu na vyuma vyosena, sayasi, sayasi. Palanga kwiza muchihela muze muyachi wamuthu, hakupwa wakufutula... Ngwafwelela kala mbuto yatela kuneha muyachi



wacho. Kaha muyachi wamuthu, kaha mutango, kaha vosena kupwa vakufutula, kuneha kuchihela; kulya kulya kufuma hamavu, vase vanapu, mijimba yetu, kupwa vakufutula, kuhaka vishinganyeka vyosena. . . Jino, kachi mijimba yetu kuholoka, kufuma ku twende faifi myaka yakusemuka, mwomwo ya ma cells akufutula, na kulya, kumana macells amuwongo kawazeyako? Kumana macells, nawa? Ou ukiko mulonga Ricky ili nakuhita mujila hano, na mukombo wakuzuma; shimbu Ricketta, Elvitta, na vavavulu, nge etu kuvavuluka lijina, kuweluka hano kuvwala cha chimbwa kumeso avathu, wongo unajimbala, kusoloka kalemesa na kulilemesa chinajimbala.

<sup>138</sup> Kumujimbu wami waundende. Uze pashita ngwenyi napunga muchipatela, kaha ambile ngwenyi shikaho vanyike vamaalunga vavavulu vanasavala muze mumbalaka, vamwe. . . Ikiye neza nakufuma kusali. Ikiye ngwenyi ikiye ayile kuze, kaha mukakuzata amwe amulwekele ikiye, ambile ngwenyi, "Pashita, etu twatondo kuhita, mangana tutale mumawande kuze." Vakiko vambilile ize peho ya mustard na chlorine, nge muze valingilenga mumakumbi aze.

<sup>139</sup> Kaha ngwenyi, "Ngwafumine muze, Ndumbu walunga Branham," ambile ngwenyi, "kuze kakwapwile vipalapala vya mutondo ko, kuze kakwapwile mwilako. Wapwile ha chimene cha Paseka." Ikiye ambile ngwenyi, "Kuze kwapwile jitaki jamwaka jakufwa, uze mukakuzata tele nambate unjiho wa vakiko, kaha talenu kachi kuze kwapwile kalachuma chihase kulingika hali vakiko, kwakamwihi na Musenge wa Argonne." Ambile ngwenyi, "Omwo Ngwapwile ngunemana kuze na yami lyavene," ngwenyi, "Ngwatalile helu, ngwenyi, 'Ove Kalunga, eyi ikiko jila ili nakwiza.'" Echi chakwoloka, chili na kwiza. Echi chapwile chosena chakuwema, kamwapwile kuyoyako numba kumwe, mwila kuwema; uze mutondo, ha mwila, mitondo kuyijiha, vyuma vimwe vyapwile vyakufwa, vyakulijinga, kusukama kuze, muze mwapwile vilyanga na vyuma kulijinga.

<sup>140</sup> Kachi echi kacheshi chifwanyisa cha kaye lelo, muze Satana apwile nakufukumwina kuzeneka kufwelela, kufutula chenye, sayasi yenye, chinyingi chenye! Palanga, chuma muka chapwilenga kukuputuka, omwo Kalunga ahakile Alama na Eva mulitepa, lize palachise chakuzeneka kufwa, chakuzeneka misongo, chakuzeneka ushona, kaha vyumavyosena vya kukupuka muchiyulo, tala chuma muka Satana na DDT yenye nalingi! Ikiye ali mwamokomoko. Kakweshi chuma chinasaleko muli echiko.

<sup>141</sup> Ikiye ambile ngwenyi, "Ngwaputukile kulila. Ngwatambukile nakuya, Vangulukwishile ku lilolwa." Ngwenyi, "Ngwayile kuze na kutala hali lize lilolwa, kuchishijika. Kwishi ya lilolwa kwapwile katemo katoma kakandende kapwile

nakukula, chuma kaha chakuyoya chakusalako, mwomwo kanapu kakufwika kulilolwa.”

<sup>142</sup> Kalunga, Lilolwa lyami, muvule etu lelo, Ove Kalunga, omwo vaze vakakusoneka vali nakutuka kwosena mu lijina lya sayasi na kutanga. Zuvo yetu. Ngulame palanga lize likumbi, Ove Kalunga, chikiko kulomba chami. Jino Ngunatalilila nge etu, vosena, vali mwishi ya Lilolwa, Kulishitu.

<sup>143</sup> Ngwanangwile kaha likumbi likwavo, enu vavavulu mwevwa echi. Ngwapwile nakuya nakuhita mumusenge, muunyangwa, kaha Ngwapwile wakulukuka kaha kwalumuka. Kaha Ngwatalile, kaha kuze kwapwile chimbokishi chaupolongwa chamakanya mokomoko chikwakwashi, mokomoko mwosena omwo mwachisanyika. Kaha eyi yinapu kambanyi, Kangweshi nakwivwa nge Ngwatela kuvuluka lijina lyacho, oloze yapwile kambanyi yamakanya . . . vakiko vapwile na hanjikiso, “lunyungo lwa mukakushinganyeka, kuyema cha mukakunwa.”

<sup>144</sup> Ngwaputukile kutambuka nakuya kuze na—na kulutwe muze mumusenge, kaha Chumachimwe changulingishile yami, “Kinduluka kuli chize chimbokishi.”

<sup>145</sup> Ngwashinganyekele, “Tata wa Mwilu, Nguli nakuya hano kuli uze mutondo kuze mihale vahanjikile nakuyoya hali Ove, chimene chimwe. Mwomwoika Ove wangusanyikile cheka?”

<sup>146</sup> Kaha Chumachimwe ambile ngwenyi, “Enu mukwechi kutangisa kwiza cha Chalumingo. Kutanga chove vanachisoneka hali echi.”

Ngwashinganyekele, “Ha likanya lya kulongejeka?” Ngwayile cheka.

<sup>147</sup> Kaha Ngwaputukile kushinganyeka, “Vishinganyeka vya muthu,” chuma muka kuhungumwisa! Kachi muthu apwile nakushinganyeka muthu, ikiye keshi kuhasa kunwa makanya ko. Oloze, mwamono, vathu kumina chize.

<sup>148</sup> Ngwafwelela mwahichi myaka yivali kunyima okwo, omu Ngwapwile mukuliwana chimwe, Ngwayile ku world’s fair chize chapwile ku West Coast. Kaha vakiko vapwile na chifwanyisa cha Yul Brynners na veka vavavulu kuze. Kaha vaze ma sayatisiti, veka vavavulu muli vakiko, vapwile muze muzuvo yayinene, kutala ha ponde yakunwa makanya. Omu vakiko veji kukokanga makanya kuhichila mulichimba, kaha kula chindende ha Q-tip na kutala nicotine muze na kuhakamo tumbi, kaha kumuhaka muchikalanga, mumakumbi atanu naavali ikiye apwile wakuzala na kansa kahashile namba kutambukakako. Talenu? Ikiye ambile ngwenyi. . . Kukoka nakumuhichisa mumeya, kaha ambile ngwenyi, “lunyungo!”

<sup>149</sup> Ngwenyi, “Lunyungo? Kakweshi chuma changochoko.” Ngwenyi, “Ove. . .” Jino, echi chinapu sayasi vavene. Vakiko

vambile ngwavo, “Ove kaweshi kuhasa kupwa na kunwa makanya kuvangila ove ukwechi ndakandaka. Ndakandaka yeji kunehanga wishi.”

<sup>150</sup> Kaha chuma chimwe kaha chili, chili nge ndundu yakulanjisa makanya, omu chize...Kachi...Kangweshi nakutalilila nge enu kushinganyeka Ngunapu mukakulifukula mokomoko chileya. Uze liyavolo muli muthu, uze eji kulingisanga ikiye kunwa makanya, mangana amujihe. Omu ikiye—ikiye natondo ize nicotine muli limwe likanya, lize nahana kufwila chenyi, jino ize kambanyi kwiza nakujinguluka na mungalato wakuhungumwisa, kaha kuhanjika nge, “Luyungo lwamukakushinganyeka.” Ikiye mwaya nakunwa misanga yiwana mokomoko yitanu, kupwa nachikuma ndakandaka muli ikiye (kumusuwulwisa ikiye) nge omu mwalingile na yimwe. Vakaamerica kulanjisa kufwa kuli vandumbwavo na vmapwevo! Kangweshi nakumbata echiko.

<sup>151</sup> Oloze, muze, Ngwashinganyekele, “Kuli *elu* lunyungo lwamukakushinganyeka lunapu lwa kwoloka.”

<sup>152</sup> Jino, kachi muthu apwile nakunwa, anuka, nachineha wishi mukunyema cha muthu. Kahajino, kachi ove kaweshi kuhasa kupwa na-...zalisa kufwila cha wishi palanga nomu naukula wishi, ove mbata...chatela kuneha kuyema, shikaho, enu nyenu misanga yiwana, mokomoko yitanu, kaha fwetelenu ize kuhambakana, enu nweni kaha musanga umwe halwola. Talenu, unapu mungalato, kulanjisa mungalato; kuhungumwisa vathu, vaka America. Omu Ngunashunganyeka ha Valley Forge, George Washington; na chimbwa cha maswalale jenyi, kaha najisapato jauchi kumahinji avo, ha likumbi lituta, kutulingisa etu kupwa nge omu tuli! Kaha jino vaka America kulanjisa vaka America, ndumbwenyi walunga na wapwevo, kufwa, kuhichila mumungalato wakulyonga, ha chiseke cha majilo, mwiji waupi. Chize chipepa cha mali, zangi. Chumachivene chinayi mukuzaluka, kutachikiza kachi nge chuma chiveneko kuya nakunonga! Oloze kachi ove kaweshi kuya nakunwa makanya, ove kaweshi kuhasa kupwa na kuyema.

<sup>153</sup> Jino Ngnashinganyeka, “Kuli luyungo lwa mukakushinganyeka.” Lunyungo lwamukakushinganyeka! Kaha Ngwambachile kutanga kufuma “Lunyungo lwa muthu mukakushinganyeka kuneha kuyema cha muthu wakujila.”

<sup>154</sup> Shikaho Ngwashinganyekele nge vikungulwilo vyetu vinalingi nge ngachize, mbata vathu nakwingila na kuvuluka vavene kupwa Vakakulishitu mujila kala. Mwomwoika? Vakiko navangila muvikungulwilo vyavo mokomoko chikungulwilo. Etu tweji kumbatamo kuhambakana muze mwomwo etu tweji kuvechela kwiza mwishi ya *echi*, *chize*, kaha *mukwavo*, kaha kalachuma. “Echi kacheshi kuneha chihandwako, shikaho vakiko kuhaka lijina linyeni mu mukanda na kuhanjika vakiko

vapwa Vakakulishitu. Mukiko kaha. Mamalelo, ‘ha lufwelelo ove vanakulwili.’ Ove watela kufwelela.” Liyavolo eji kulinga chuma chochimwe. Yaah.

<sup>155</sup> Ove watela kupwa wakusemuka chachihya, kaha chize cheji kwizanga nakuhita mu Ukalunga wa Kalunga! Jino kuze kuli lunyungo lwa muthu mukakushinganyeka. Nguli Nakulukwachilila muli voko lyami. Kalweshi kuhasa kuneha kuyema cha vikungulwiloko, oloze Nachiya nakuneha kusuuluka cha kuyema cha muthu wakujila, munatachikiza.

<sup>156</sup> Nachipwa ngachilihi na pwevo wakuteula jikambu kwiza nakuhita mu Lunyungo kana? Nachipwa ngachilihi na pwevo ali najiputula kwiza nakuhita Echi, mokomoko kuvwala tutembula, ohonyi eyi Mbimbiliya yahanjika, “Echi chinapu chaunyengwe kuli Kalunga, pwevo kuvwala uvwalo uze wakupandama kuli lunga”? Kaha muthu nahase kushinganyeka kalachuma cha lyavene, kulovoka hano na kuvwala nge mapwevo, echa kambu jenyi jisuwe nge pwevo, mbwe nakumeso eyi, na mambongi, kaha kuwajinga nge *ngachize*? Ikiye navwale uvwalo wakwishi wapwevo lyenyi. Ikiye navwale uvwalo wakuweluka. Lunyungo lwa muthu mukakushinganyeka? Muthu mukakushinganyeka keshi kuhasa kulinga ngachizeko, mokomoko pwevo wakushinganyeka keshi kuhasa kulinga ngachizeko. Lizu lya Kalunga kalyeshi kukahitako.

<sup>157</sup> Kakweshi chuma chimwe chinahase kuhita mu Lizu. Uze ikiye Shipilitu Wajila, kaha Yeji kuneha eli Lizu muli enu, kaha Lyeji kulovola kuyema cha muthu wakujila.

<sup>158</sup> Tala lelo, Ricketta mujila, vakuzanga, vakutungwiwa mwamwaza kuli Kalunga avahanyine, kaha Satana kuchizachisa. Kaha ikiye kuvwala mwayengwe, keshi kutachikiza nge mulungu kufuma lelo nahase kupwa wakupola mulifuka.

<sup>159</sup> Kwiza nakushikumuka mujila hano keshi kunyima chikumako. Ngwapwile nakunangula ha kukunguluka mu Assemblies of God kuze ku Kungenge ya Kumulauko, mukukunguluka kuze ku South Mbimbiliya ya Mbimbiliya. Wamundende pwevo wakalemesa kutambuka nakushikumuka mujila, chindende...vakiko uvwalo waundende, wakusana nawo, kala mwosena omu namuuvuluka, kaha kuzezalala, na litepa lya kafunga wavangombe na jimbuti. Ngwapwile nakuya mujila. Ngwashingtonyewe, “Mukweze wamundende, mwana naye na ise mwana, apwile wakuhaka hano kupwa mwana wapwevo wa Kalunga, kaha kwiza nakupwa muheto kaha ndulo ya liyavolo.” Ngwashingtonyewe, “Ngwafwelela Nanguya nakwalumuka na kuya kunyima, na kumulweka uze mwana.” Ikiye asolokele kupwa museteko ya Sala kuze, myaka seveteni, myaka sikisiteni yakusemuka, mokomoko chumachimwe. Ngwashingtonyewe, “Nduma, Kangwatelako.

Nanguya kaha helu hano mujila na kulomba hali ikiye. Kachi muthuumwe angumwene yami kwimana nakuhanjika nenyi, Kangwatela kuchilingako.”

<sup>160</sup> Jino, kaha ivwulilenu, vana va Kalunga, enu namuya muchihela chochimwe, ava va Yezevele valikumbi lino kuhemena kuli ove, oloze muthu wakushinganyeka mwashinganyeka washi washi chatete. Ikiye pamo nahase kupwa wamwaza, chinahase kupwa “Ngunahase kupwa na kuveta na ikiye,” oloze nachiya nakukukwata ove mwono wove, kanyike walunga; enu vanyike vama pwevo, kuli ava va Rickys! Lunyungo lwa muthu mukakushinganyeka kuneha kuyema cha muthu wakujila.

<sup>161</sup> Enu malunga vakulimbata, omwo enu namumona mapwevo mujila nge ngachize, enu vana vama lunga va Kalunga, kanda kutachikiza chumamuka chambachile chihela muze mukuputuka chatete? Omu sayasi yinatungu pwevo kupwa wamwaza mulwola lwalivaji, palanga vana vama lunga va Kalunga vambachilenga vana vama pwevo vavathu (keshi vana vama pwevo va Kalunga), kaha Kalunga kavulyama echiko. Vakiko venyekele chuma chosena; sayasi, wamwaza. Echi chapwilenga nakupwa. . . Enu talisenu kuwaha cha mapwevo kuyoya mumakumbi akumakumishilo, chinapu chinjikizo cha makumishilo; Kalunga nachinjikiza echi. Shikaho, zachisa Lunyungo lwa muthu mukakushinganyeka, ove muya nakupwa na kuyema cha muthu wajila. Nachiya kufwetamo ove limbo lyove. Nachiya nakufweta ove chihela chove. Nachiya nakufweta ove vyuma vyosena ove ukwechi; kusali yachize, mwono wove! Nachiya nakuhokola limbo lyove. Chinahase kupwa na muthu weka kusema vana vove, mokomoko pwevo mukwavo kusema vana vove.

<sup>162</sup> Mbata Lunyungo lwa muthu mukakushinganyeka, nachiya nakuheha kuyema cha pwevo wakujila. Omwo ove muputuka kuzawuka chaumer, mokomoko chuma chimwe chikwavo, kaha vakiko navakulweka ove, “Ove nauya nakupwa na mutwe, munatachikiza.” Mbata Lunyungo lwa pwevo wakushinganyeka, chumamuka eyi Mbimbiliya yahanjika, talenu, jino fukununu kufuma muli echi. Talenu? Kamweshi kuhasa kulinga echi.

<sup>163</sup> Yami ngundumbwenu walunga, kaha Ngwakuzanga ove. Nachuma chauchi Ngunafumbukila ove. Kalunga natachikiza. Kaha echi chikiko cheji kungulingisa yami kuhanjika vyuma Ngweji kulinganga, mwomwo ya—ya zangi ya Kalunga hali enu. Kachi muthu mwaya nakulovoka kuze kaha vakiko kaveshi kukulweka oveko, pashita yove kukwecha kutwama na kulinga nge ngachize, ikiye kakuzangako. Ikiye keshi kuhasa kukuzanga ove ko. Kangwazangile muyachi wa zangi hali pwevo ko. Ngwatondo kupwa na kuyema cha ndumbwami wapwevo. Ngwatondo ikiye kupwa ndumbwami wapwevo.

Keshi mthuumwe nahase kuhanjika, mthuumwe kuhanjika hali ikiye kupwa wamwaza kaha omu ikiye ali, kaha vase vakakulivwimba, “Ikiye mwaya kuli yami. . .” Huu-hu. Nduma. Ngwatondo pwevo wakalemesa!

<sup>164</sup> Ove Mwata, ngulame yami mwishi ya Lilolwa. Eyo. Mu Efwesu 5:26, jila yimwe kaha ove unahase kuhita mu Lilolwa, chize, “Vakukosa na meya akuhandununa na Lizu.” Echi chakwoloka.

<sup>165</sup> Jino, kanda kwecha liyavolo akumwangila na kutanga cheniyiko. Nduma, nduma. Echi nachiya nakujiha enu. Kanda kwecha liyavolo ambate chizeko, “Chamwaza, Ngwapandama kuliuka lize mama yami apandama ko, nge tata yami, kaka yami wapwevo.” Kanda kwechela liyavolo kukumwangila na chizeko. Eyi Mbimbiliya yinahanjika lyehi, ha Visemunuino vya Mauka Vitanu navivali, na vyuma kana, vinayi ku mbuto! Echi chakwoloka. Chuma chivene chosena kupwa chakupola. Chuma chivene chachipi chikupu. Kanda namumwechela amimwangileko, hanjika, “Chamwaza, eyi yinapu mingalato ya helu. Etu tunapu vakakutanga chikuma kuhambakana omu twapwile mumakumbi amwaka.” Kanda kwecha liyavolo kuhaka hali ove. Ngunakulweke kwala cheniyi chosena cha kutona, kutanga na sayasi. Ikiye achikwechi vene muliuka, kaha kanda kwivwulila kuli chizeko. Fumisa mutwe wove kuli aze majilo amwaka aha visanji vya hachisanji na vyuma!

<sup>166</sup> Kaha kutangisa chetu ngwacho, “Kanda mulifwanyisa, oloze mupwenga vakwalumuna.” Kanda kwingila na kuhanjika, “Ngwapwile wakwinjikiza, Chalumingo.” Nduma. Yenu nakwingila kaha pwenu vakwalumuna vene, vakwalumuna kufuma omu muli, kuchuma muka Kalunga natondo enu kupwa.

<sup>167</sup> Jino, echi chinemanyina ha mbuto muka ili muli enu. Kachi kutanga, mbuto ya kutanga vayihakile muli enu, kuli kaha chuma chimwe chinahase kulinga, kukuhaka utonji, mukiko kaha, kuli mwana walunga mokomoko wapwevo wa Kalunga. Echi chili chumachimwe chiunahase kulinga. Vathu lelo, nge omu Nangutala, vakiko kulinga nge vakiko kavafwelela nge kuli Kalunga ko.

<sup>168</sup> Ngukonekelenu hali eyi hanjikiso. Kachi kalamuthu ali nakwivwa kulemeka hali echi, Kangwatwalile muzeko. Lizavu lya Chalumingo kunyima okwo Vangusanyikile, kuli mwanami wapwevo, kwiza nakwingila ha chisanji kuhaka kaha kutala mukwimba cha myaso yakulifukula. Echi chili ha chimene cha Chalumingo. Ngwatondo kwivwa Oral Roberts ha kwala cheniyi, Ngwawalwekele vakiko kutachikiza. Ambile ngwenyi, “Ove uli nakwivwa echi, ou ukiko mwaso waunene.” Mwanami walunga nemana haze, angulwekele hali echi, nawa. Kaha Ngwalumukile. . .

169 Etu kufwetela kufuma mapwevo vase vapwile na chisaji cha mivwimbimba muzuvo yenyi. Kanda lyehe ngufwile kupwa na yimwe muzuvo yami. Nduma, mwane. Kangwazangile chuma chimwe muzuvo yamiko. Kachi nanguyitua na uta wakakahya. Kangweshi nachuma chakulinga na echi chuma cha shili. Nduma, mwane! Oloze mbatenu. . .

170 Echa ngumilweke hali enu vaka Arizona hano. Enu mwamono kukekesa cha likumbi likwavo, cha mashikola, keshi enuko? Eyite peseti ya vana mu Arizona vali nakuyanda na ukalu wakuwongo, sikisite seveni peseti yacho yapwilenga nakutala ha chisaji chamivwimbimbi. Ngachilihi echi?

171 Enu mwatela kupwa vakakuzachisa uta wakakahya! Talenu? Jino, kanda kwecha kumwangila chaliyavolo na chize. Nduma, mwane. Jino vathu, nge omu Ngwahanjikanga, vathu kulinga nge vakiko kavatela kwiza ku Kusopesa ko.

172 Ava vanyike vamaalunga na mapwevo, vakiko vapwile na chisaka chimwe cha va Indian, kaha na vyuma vyavivulu. Ngwashingtonyeka mukweze wa lijina lya Mukulwane Pool napu mutwe wa echi. Kaha kachi kanda Ngumone kusekeleka chakutona cha myaso, chapwile mujila vachikwachile; lizavu lya Rickys kwimana kuze, kulimeneka mavoko avo helu nahamavu.

173 Ngunapu umwe wakusakwilila hali mukweze walunga hano na chimene, uze embile, kusoloka wakalemesa, nge muthu ivene. Ngwa—Ngwazanga chize. Omwo enu—enu malunga vakakusekasana lwolalumwe hano kupwa na lizavu lya vase Rickys vase vanemana hano, kaha kutatwoka na kutambakana, kaha kutwalilaha, kaha kukwata kuhwima chavo palanga vakiko vapwile vausingwa kumeso; kaha chize kacheshi kwimbako, chize chili kaha nakuneha vyema vya sayasi. *Kwimba* chinapu “mwaso kufuma kumuchima.”

174 Kaha Ngwashingtonyeka, “Chumakana sonyi! Chuma kana chasonyi! Shikaho omu mwishi ya lijina lya kulifukula, vakiko kuzata nge kakweshi Kalunga ko!” Muthuumwe ambile ngwenyi, likumbi likwavo, kuli kanyike walunga uze mwaya na mwanami wapwevo, Mukakulishitu kanyike walunga ambile ngwenyi, achihanyine kusoloka cha Alama na Eva, ambile ngwenyi, “Eva mwaya nakuhita mulitepa. Ambile ngwenyi, ‘Vana, mwamono uze mutondo kuze?’ Ambile ngwenyi, ‘Muze mukiko mama yove atulya muzuvo na hembo.’” Munahase kushinganyeka, vatela kupwa Mukakulishitu chikupu, chize nachiya nakumbata lushimbi kaha Lizu lya Kalunga kaha kuchimbila muze mulimba lya ngulu! Vakiko veji kuzata nge vakiko kavatela kwiza ku Kusopesa ko. Oloze Kalunga mwaya nakuneha chiswamo chosena mu Kusopesa. Vakiko veji kuzata nge kakweshi Kalunga ko.

175 Kangwatondele kuvavuluka kupwa vileya, mwomwo eyi mbimbiliya yahanjika kupwa vileya. . .keshi chakwolokako.

Yesu ambile ngwenyi echi kacheshiko. “Kanda kuvuluka muthu uleyako.” Oloze mu Jisamu 14:1, “Chileya nahanjika mumuchima wenyi ngwenyi, ‘Kakweshi Kalunga ko.’” Talenu? Vakiko—vakiko kaveshiko...Kangwatondele kuvavuluka kupwa vileyako, oloze vakiko kulinga nge vakiko omu vali. Vakiko kulinga ngachize.

<sup>176</sup> Shikaho, mwamono oho etu tuli lelo, nge, “Kakweshi Kalunga ko.” “Ngwapandama kuliuka!” Kaha vakiko vosena, chuma chosena, eyi Mbimbiliya, chinapu kusehesa. “Liuka lyetu vanatachikiza oho vali nakuya!” Yaah...[Hatepu hapimbi—Muka.]...hazevene muhetese, mukiko vene. Hazevene mujila yakuya, hazevene kuhichila mu sayasi na kutanga, kutanga chauthu na vyuma, kupwa kaha kukoka muzevene mujila. Ou Shipilitu Wajila keshi kupwa na lihanya lyakuvahana kusoloka na chuma; kukutanga kupwa vakuvatukako.

<sup>177</sup> Ou Shipilitu Wajila ali nakutwaminyina etu; keshi nge shikola ko, keshi mambishopu na vakusali, na vyangocho. Ou Shipilitu Wajila napu Twamina yetu.

<sup>178</sup> Kena apwile muthu kana nge ngachize. Ikiye apwile vene mukakulifukula vene. Jino, kachi kulifukula chili chosena chize ove watela kupwa nacho, kahajino Kalunga apwile wakuzeneka kwoloka na Kena. Mwomwo, ikiye apwilenga muka kulifukula, ikiye apwilenga wakwoloka na kushishika nge omu apwile Avele. Jino anuka, ikiye ashinganyekele hali Kalunga, ikiye alifukwile Kalunga, ikiye apwile na liuka, ikiye atungile kamenga, ikiye atungile mulambu, ikiye alombebe, ikiye alifukwile, oloze ikiye vamuhungile. Chipwethuhu...Esau apwile ngachilihi, nawa. Talenu?

<sup>179</sup> Kulifukula, talenu, ize yinapu kusekasana cha satana; keshi kujiha chuma chivene, oloze kupihisa echi. Mukiko kaha. Ikiye keshi kuya nakujiha chuma chosena. Mamalelo, keshi communist; nduma, nduma, uze mukakole wakulishitu keshi communism. Eyi Mbimbiliya ngwayo, “Echi chinahase kuhungumwisa navaze va Sakula kachi chahashile.” Kanda kutalisa lihina lya chikungo, oloze lya usombo. Hu-huu.

<sup>180</sup> Oloze, talisenu, Kena ejile nakulifukula, oloze ikiye apwilenga na mbuto yakuhenga muli ikiye, mbuto ya linoka. Echi chinapu kufwijila cha linoka kumufwijila, mwomwo ikiye apwile mbuto ya pwevo. Ikiye atachikijile kukupuka cha Kalunga, oloze ikiye akanyine kulinga chize. Enu mwatachikiza echi? Satana natachikiza mwaya muchima wa Kalunga, oloze kukana kulinga echi.

<sup>181</sup> Talisenu, ikiye amwene Kalunga kwinjikiza mujimbu wa Avele. Jino Ngwatondo enu kushinganyeka, kuzachisa vishinganyeka vya muthu jino ha munyutu. Mujimbu wa avele chakwoloka, uze Kalunga enjikijile kupwa Muchano! Ove uli nakufunda jino? Huu-hu. Mujimbu wa avele vatambwile, kaha



Kena amwene chize kaha kutachikiza nge Kalunga nenjikiza uze mujimbu wakwoloka. Oloze ikiye kahashile kuchilingako. Kulivwimba chenye chamufumishile kuli echi. Echi chakwoloka, kulivwimba chenye chamulama ikiye kufuma mukulinga echi. Ikiye amwene Kalunga kwinjikiza mujimbu.

<sup>182</sup> Shikaho echi chinasoloka kupwa jino, shikaho chikuma kuli vathu vakulikehesa vavene ku Lizu lya Kalunga. Vakiko—vakiko—vakiko kavatondele kuchilingako. Vakiko navaya nakulikehesa vavene ku jishimbi ja liuka, punduvene, oloze keshi ku Lizu lya Kalunga ko.

<sup>183</sup> Kachi ove unatondo kuwana echi, ove yako ku... Ngukwechi Visoneka hano, omu mukiko Nguli na kutalisa hano. Kuputuka 4:6 na 7, Kalunga ambile kuli Kena, ambile ngwenyi, “Mwomwoika ove uli kumeso akuholoka? Mwomwoika ove unazale namatoto, kutambuka nakujinguluka? Ove kwivwa kaha mujimbu uze unakupihisa.” Ngwenyi, “Chamwaza, mwomwoika ove uli nakulinga ngachize? Mwomwoika ove unahombela, mwomwo Kangwejile muliuka linyeniko? Shikaho mwomwoika ove wahonene kuchilinga echi?”

Ove uli nakuzachisa Luyungo lwa muthu wakushinganyeka? Talenu?

<sup>184</sup> Mokokoko, “Mwomwoika unahonena... Mwomwoika ove uli nakutala ngachize?” Ngwenyi, “Kachi ove muya nakulinga kanawa, yako nakulinga nge ndumbu walunga ali nakulinga muze, Nanguya nakukutambula ove na kukukisula ove. Nanguya nakulinga chuma chochimwe.” Oloze ikiye kahashile kuchilingako. Ikiye ambile ngwenyi, “Jino, kachi ove kaweshi, shili yakuzeneka kufwelela hami chikolo.”

<sup>185</sup> Jino omwo vakiko kutulweka etu, “Makumbi avikomwesa ahita lyehi,” vakiko vachimwene kupwa chakukupuka cha kwinjikiza na kuchinjikiza, mwamono, vyuma vyosena vize Kalunga ashikile Ikiye mwakaya nakulinga mumakumbi akumakumishilo, mu Kusoloka 10 na Malaki 4, vyuma vyosena vyatela kwinjikiza, ukalu uli halihi, vandumbwami? Chuma muka chinahenge, talenu?

<sup>186</sup> Kachi vakiko kaveshi, kuzeneka kufwelela, eyi yinapu shili... Kuli kaha shili yimwe, shina, kuzeneka kufwelela. Echi chakwoloka. Ove kaweshi wakupaisa mwomwo ove kunwa wala, kunwa makanya, kuvwala jiputula, kulinga kalachuma ove mulinga. Nduma, chize kachapaisa oveko. Echi chili mwomwo ove kawafwelela ko. Kachi ove wafwelelele, ove kaweshi kuhasa kulinga chizeko. Talenu? Mukakufwelela kalinga ngachizeko. Ikiye eji kumbatanga Luyungo lwa mukakushinganyeka, talenu, talenu, mokokoko kushinganyeka Luyungo lwa mukakushinganyeka, chipwe chimwe. Chosena chakwoloka. Oloze, mwamono, shili yeji kwitavilanga kuchikolo.

<sup>187</sup> Jino talisenu chuma muka chize chinalingi kuli Kena, kaha nachiya nakupwa chochimwe na lelo. Echi chamulingishile kufumanakuya, shili yakulisakwila. Ikiye kulisakwila apwile wakuzeneka kwononoka. Kala muthu mwaya nakupwa mujila yoyimwe. Chakulisakwila kuzeneka kwononoka hanyima ikiye namono mujimbu wa Avele kupwa wakwinjikiza kuli Kalunga, nge unapu muchano, kaha kukana kuchilinga. Alingile mwomumwe jino. Kahajino ikiye azaukile mufunda.

<sup>188</sup> Kuze kuli mufunda ove unahase kuzauka. Unatachikiza ngachize, keshi ngachoko? Jino, vakakuzata, vosena hano na kulovoka mu—mu lifuchi lya shinga kuze kuli chisaji cha lifuchi, enu munahase kutachikiza echi? Omwo enu namumona echi kupwa Chisoneka, kaha enu kamweshi kuhasa kulinga echiko, Kalunga keshi lwola lwosena. . . Ikiye mwaya. . . Mamalelo, ove muya, nakupwa wakukisula. Shikaho kuli umwe wosena wava Isalele, vakiko vayoyele mwakwoloka muze mu mupambo, kaha kukulisa vana vavo, jimbuto, kaha kukisula, na vyuma vyosena, oloze “vosena vamu Hayamyaka kuhandunuka kufuma kuli Kalunga.” Yesu ahanjikile ngocho. Mamalelo, eyo, Kalunga mwaya nakukisula ove hazevene, oloze ove unanyi. Punduvene. Omu mukiko yahanjika Mbimbiliya jino, omu mukiko Ikiye ahanjikile. Talisenu, enu munahase kuzauka mumukana. Enu mwafwelela echi? Kena alingile.

<sup>189</sup> Echa—echa tufukununenu hano mumunyutu, Ngukwechi Hepelewu 10:26. Echa tumone kachi Nanguwana washi washi. Ou Mukanda wa Hepelewu, kapetulu 10 na. . . Ngwafwelela, ha vasi 26. Ngukwechi kusoneka hano. Munyutu kaha, kachi ove muya nakupwa na yami, kaha echa tutangenu Echi munyutu kaha. Chosena chakwoloka, hano etu tuli.

*Mwomwo kachi etu natuvulumuna chakulisakwila hanyima yachize etu. . . hanyima ya kutambula chinyingi cha muchano, kakweshi cheka chimuna wakuvatula wahashili,*

*Oloze chuma chakwiwusa woma ha kusopesa kaha na utenu wakalunga, naukocha va kakole.*

<sup>190</sup> Mukiko MWANAMBE LIZU LYA KALUNGA. Kachi etu natuzeneka kufwelela chakulisakwila hanyima etu twamono Echi na kwivwa Echi, kahajino etu tuli nakuhita mumukana. Kakweshi kukapwa cheka kukonekelako, enu mwazauka mufunda.

“Mamalelo,” ove ngwove, “Kalunga achili nakungukisula.” Mamalelo, yaah.

<sup>191</sup> Anuka Isalale, ize *ngiza*, omwo Kalunga avahanyine lushiko, muze mu Lifuchi Lyajila, lize. . . mu lifuchi, lyapwile lya mwaza, mavele na uchi, kaha omwo Mose atumine Kaleve na Yoshiwa, na vandoji, kuya kuze, kulovoka mulifuchi, kaha kuneha

cheka chinjikizo cha kwinjikiza, ize likumbi lyavo kuhanjika, “Etu katweshi kulinga echiko, etu katweshi kuhasako, tala hakukalikiza, etu natuya nakupwa vakusehewa, Etu tukwechi vyuma vyavindende vyakuzungisa na, kutala chumamuka vakiko vakwechi, etu—etu katweshi kulinga echiko, etu tuli vakuhona kuhasa.”

<sup>192</sup> Yoshiwa na Kaleve ngwenyi, “Etu tunahambakana kuhasa kulinga chize, Kalunga ashikile lushiko.”

<sup>193</sup> Kaha, anuka, vakiko kwalumuka. Chize chapwile ku Kadash-barnea. Kaha vakiko vakindulukile na kwiza nakupwa ndala muhitanganyi muze mupambo. Kaha vosena vafwile, kaha vanajimbala Hayamyaka. Yesu ahanjikile ngocho.

<sup>194</sup> Kanda kuzauka chize chakuhandunuka mufunda, talenu. “Omu enu namutachikiza kulinga mwamwaza, kaha kuhona kuli echi, kuli enu chinapu shili.”

<sup>195</sup> Isalele alingile mwomumwe. Hanyima vakiko vamwene Mose kwinjikiza, kaha jino echa Mbalamu avamwangilile, ize Mbuto ya mwaza ya kwinjikiza. Kafunga, kanda (kanda) kuhanjika chuma chimwe hali eli Lizu. Tala hali Mbalamu, ikiye apwilenga kapolofweto, kaha ikiye amwene ize Mbuto ya Kalunga ya kwinjikiza. Oloze mwishi ya chikungulwilo chenye chachinene chize ikiye ayoyelema, Mowave kumona lize lizavu lya ndala muhitanganyi kwiza nakuhita mulifuchi, ikiye alimwangile, kaha ambile ngwenyi, “Chamwaza, vandamina munyutu kaha. Etu tunapu vosena Vakakulishitu. Etu twapwa vakakufwelela vosena. Mwomwoika, vakakuluka jetu na vakakuluka jenu vapwa vovamwe. Katweshi vana va Lote ko? Kapwile muhya wa Apalahama ko? Kumana etu vosena mwomumwe? Echa tumbate umwe namukwavo.”

<sup>196</sup> Kaha Isalele, nge Eva muze mulitepa lya Milemba, echa Satana amumwangilile ikiye, ikiye nawamwangilile mu Isalele kuhichila muli kapolofweto wakwonga. Omwo, uze kapolofweto wamwenemwene apwilenga navo, na Lizu lya kwinjikiza. Oloze ha chinyingi chakuhungumwisa chakutanga, ikiye avamwangilile. Shinganyeka hali echi. Jino, echi kavachikonekeleko, shili kayakonekeleko.

<sup>197</sup> Ize jimbuto jatela muzevene mujila yamulimo, mujila yakuya kulifuchi lya lushiko. Vosena vaze vanongele na kupola, muze vene muliuka, mumukana wa mulimo, kukavangiza Kalunga. Kaha kwecha Satana kuvamwangila kutanga hali vakiko, shikola, kuhungumwisa cha kutanga, kuhanjika, “Mwomwoika, etu tuli vosena vovamwe, etu tunapu vana va Kalunga.” Enu kamweshi! Oloze ikiye kwecha mulongeshi wakwonga kuvamwangila na kuhungumwisa cha kutanga chize ikiye apwile Nacho.

<sup>198</sup> Kaha kupwa kaha nge Kasulu ya Ecumenical ili nakulinga hano vene, talenu, chuma chochimwe, “Mwomwoika, etu natuya

vosena nakulinunga hamwe mu chikungulwilo chachinene.” Zachiso yenu ya vikungulwilo vyosena vinapu vya liyavolo. Echi chinapu lusona lwa chisuma, mu Mbimbiliya. Nanguya nakupwa na mukanda hali echi, linwaha, nge Mwata netava.

<sup>199</sup> Talisenu, mulwola lwa Nowa, kumona Lizu kupwa lyakukanguka, hamavu. Jino echa yami kusoneka hano chindende, eli Lizu kupwa kulihaka hamwe kupwa lya kwalumuna kufuma mumavu nakutwala muutangatanga. Kumona kutungika cha chuma; oloze na kuhungumwisa cha kutanga, kuseha kumeso a kapolofweto, Nowa, omwo ikiye apwilenga nakupolofweta mu lwola lwamakumishilo. Oloze chumamuka chalingikile... Chize kutungika chapwile cha kufuma ku Lizu lya Kalunga, lyakujika mukachi na kulwela, na malombo alufwelelo. Omu jivula najiza, kuhungumwisa cha kutanga chosena cha kulifukula kufwa kaha kupola nakwingila... muzevene mumauka avo, muzevene haze hamavu. Kaha uze wato kufungika helu lyavyosena. Vakasayasi kumwanga mbuto yakupola nakwingisa mukusopesa.

<sup>200</sup> Ika etu tuli nakweseka kulinga, mwosena omwo? Etu tuli nakweseka kuzamisa liuka lyetu mokomoko etu kweseka kuzamisa eli Lizu lya Kalunga? Ika etu tuli nakweseka kulinga? Chuma muka etu tuli nakuzata? Etu tuli nakweseka kuneha vathu muli Echi? Chuma muka echi Eva wamunene kweseka kulinga hano mumakumbi akumakumishilo, eli liuka Eva?

<sup>201</sup> Nguli nakuya nakupwa na kwecha hazevene, ndumbu walunga, mwomwo chili—chili nakuya nakutoka. nNguhaneu kaha pamo minyutu fifteni, kaha nanguya nakwimana hali yami—yami Visoneka hano. [Ndumbu walunga umwe ngwenyi, “Punduvane, twalilaho kuya.”—Muka.] Yaah. Chosena chakwoloka. Ngunatachikiza. Chamwaza, vathu vatondele kupwa muno na vatoma. Oloze Nguli kaha nakusoloka nge chili chachikalu kuli yami kwecha. Nanguya nakuzangula. Chosena chakwoloka.

<sup>202</sup> Tala, uze wamunene wa sayasi, mukutanga, kutanga cha Eva lelo, avulukile liuka, chuma muka ikiye ali nakweseka kulinga? Ikiye ali nakweseka ku Lizu lya Kalunga, kaha echa vathu valinge mujila vakiko vali nakulinga? Vakiko kaveshi nakuzachisa Luyungo lwa muthu mukakushinganyeka, mokomoko, Luyungo lwa Kalunga. Tala vakiko vali nakulovola ika. Vakiko kulizezula vavene. Eli liuka linapu, mulikiko muli mbuto yautoji kutala ha kwala cha chinyingi, naingisa muyachi wakaye wosena kupwa vakuhona kutachikiza kuhichila musayasi ya Lizu lya Kalunga. Jino Nanguya nakukwata echi kusoneka, Kangweshi nakuyako nakukwachilila hali vakiko na kushimbula, kupwa vakukumisa. Kuhona kutachikiza kiuhihichila mu sayasi! Omwo Kalunga, hano hamavu, kulinga vyuma vize Ikiye ali nakulinga, ha Lizu Lyenyi lya lushiko, kaha

vakiko kuhona kutachikiza Echi kaha kutambuka nakufumako mwomwo vakiko vanapu vakuhona kutachikiza na sayasi. Kuhona kutachikiza na sayasi!

<sup>203</sup> Ngwapwile nakuhita jino mwomwo ya Ndumbu walunga Williams hano, kusoneka hano hachihanda cha lipapilo, “Ove unahase kutwama na musana wosena,” chumachimwe. Oloze, Ngwasakwilila chize, chize chili vene chamwaza. Talenu?

<sup>204</sup> Oloze vathu vali—vali nakulikonekela. Echi chanehele eyi—eyi zachiso ya liuka lya kaye lelo kwingila mushili yakulisakwila kufumbukila Kalunga. Mwomwoika, kalemesa mwaya nakwinjikiza kuli enu nge Echi chakwoloka. Chosena chakwoloka. Lihina lya lwisio hameso eyi, ku Lizu lya Kalunga, kaha ikiye kuwana lyavene nge ali uselesele cheka. Munatachikiza, Kalunga, mu Kusoloka 3, ambile ngwenyi, “Twaya, ulande vyakukwita hameso kufuma kuli Yami, mangana meso ove akusokoloka.” Talenu, Vyakukwita hameso kupwa Lizu Lyenyi.

<sup>205</sup> Munatachikiza, vakiko ngwavo, “Chamwaza, ou lunga asonekele myaka fwote, kumbata jindingili jaundombo. Ikiye napu B.C.A., D.D., na vyosena evi.”

<sup>206</sup> Munatachikiza omwo ahanjikile Yesu hali chize? Ikiye ambile ngwenyi, “Echa muthu akane lyavene.” Paulu alingile.

Ove ngwove, “Chize kachalumbunukile muzeko.”

<sup>207</sup> Chamwaza, mwomwoika Paulu ahonene kukavangiza, kahajino? Ikiye ambile ngwenyi, “Kangwejile na mazu aku mbembejekako a mangana amuthuko, mwomwo enu namutunga malutalilo hali chize. Oloze Nguneza kuli enu mu ngolo na kusoloka cha Shipilitu Wajila, nge lizu lyove naliya nakupwa. . . lufwelelo lwove naliya nakutunga Lizu lya Kalunga, keshi kusoloka cha manganako.”

<sup>208</sup> Echi kusoloka vaze vathu kujimbalisa kalemesa na kuvwala chakalemesa. Vakiko kaveshi nge vakiko vatela kulingako. Chapwilenga nakupwa, omwo kapolofweto ahanjikile, “MUKIKO MWANAMBE MWATA,” vathu vanachikimine. Yaah, vakiko punduvene mukiko alingile. Vaze vathu vatambukile, mwomwo vakiko vapwile nawoma. Oloze jino vakiko vajimbalishile woma wosena hali Chize. Vakiko kavavwile womako Kalunga.

<sup>209</sup> Solomone ambile ngwenyi, “Uze—uze woma wa Kalunga unapu maputukilo a mangana,” kupwa kaha maputukilo a echi.

<sup>210</sup> Oloze kapolofweto nahase kuhanjika MUKIKO MWANAMBE MWATA, vathu ngwavo, “Chakuzeneka mangana!” Talenu, kakweshi lutalililo hali vakiko. Echi chili, vakiko ngwavo, “Mwomwoika, etu twapwa vautongwe. Etu twapwa vakakutanga, etu katweshi na kupwa na

muyachi wa muyachi kana! Etu tunatachikiza chuma etu tuli nakuhanjikaho!”

<sup>211</sup> Echi chinapu nawa chishimo chamwaka, chize, “Vileya navaya nakutambuka nakisapato jajisuku, haze Vangelo navevwa woma kulyataho.” Punduvene.

<sup>212</sup> Jino, kwalumuna chumamuka? (Washiwashi.) Natuya ngachilihi nakupwa nacho? Chumamuka kwalumuka? Kalunga eji kuchilinga na Shipilitu ya Lizu Lyenyi. Ikiye kwalumuna. Ikiye mitondo Mbuto Yenyi, kumbila Shipilitu Yenyi hali Echi, kaha Yeji kuneha chuma chimwe. Shipilitu Yenyi Shipilitu Wajila kusolola Mbuto ya Lizu kupwa lya kwinjikiza muyachi Wacho.

<sup>213</sup> Mbuto yamuchi muka ove uli, uze asolola chuma chili muli ove. Ove kaweshi kuhasa kuswekako. Kala chuma ove uli mukachi, echi chinasoloka kuweluka. Ove kaweshi kuhasa kufuma kuli chizeko. Ove kaweshi kuhasa kulingisa uze mutondo kalachuma oloze chuma muka echi. Talenu, echi—echi nachiya nakupwa mujila kana. Ou Shipilitu Wajila kusolola jimbuto jize ja mukachi ka echi. Chipwethuhu mbuto yamuyachi uka uli, Nayiya nakwalumuna. Kachi echi chinapu chachipi, nachiya nakuneha chachipi. Kachi napu mukakulyonga, nachiya nakuneha mukakulyonga. Kachi eli linapu Lizu lya mwenemwene lya Kalunga, Naliya nakuneha mwana wamwenemwene mokomoko mwana wapwevo wa Kalunga, Luyungo lwa muthu mukushinganyeka. Omwo ize Mbuto yejile nakupwa, Yeji kwizanga nakuhita muli Chize, Yeji kulovola mwana walunga na wapwevo wa Kalunga.

<sup>214</sup> Likumbi limwe omwo kaye nakasavala mumilima, Kalunga...Jino ivwulilenu kanawa, mwomwo etu katweshi kuya nakuhanjika...chindende kaha. Tala. Likumbi limwe omu kaye apwile cheka mumiyachi ya vakakulifukula, kusana kumavoko, jindeho, kuvwala vikuto na matepa, na vyangocho, kupwa mukachi kachimbalanganyi. Uze Isalele wamwenemwene wa Kalunga napunga wakuchongonona kufuma kujishimbi na vilika vya Kalunga, Yesu ngwenyi, “Ove, na visemwa vyove, kulingisa Lizu lya Kalunga ngolo jakuhasa ngolo, ha visemwa vyove.” Kaha tala hali vakiko tupilishitu vakujila, vakiko vavavuluka kupwa; kaha Yesu ambile ngwenyi, “Ove unapu iso, liyavolo, kaha milimo yenyi ove mulinga.” Talenu, echi chikiko vene Ikiye ahanjikile.

<sup>215</sup> Jino omwo kaye nakasavala muchuma kana, Shipilitu ya Kalunga kutambuka cheka ha Mbuto ize yapwilenga vakutongola. Ikiye alumwine na kwalumuna Isaya 9:6 ha Lushiko lwacho; Ikiye, Kalunga, apwile muuthu wa nyama, kulwila luze lwola lwa chimbalanganyi. Omu muthu vamutengele mu chifwanyisa cha Kalunga, nomu ejile Kalunga, kuhichila muli kapolofweto kumona...Jino anuka eli Lizu,

uze kapolofweto amwene chize, kapolofweto youmwe uze amwene Satana mumakumbi akumakumishilo, talenu, cha echi kwala cha kutanga na vyuma ikiye ali, kwala chakulifukula. Uze kapolofweto youmwe, Isaya 9:6, ngwenyi, “Kuli etu Mwana nasemuka, kuli etu vanatuhane Mwana walunga; kaha Lijina Lyenyi navakamuvuluka kupwa ‘Mukakulweza pungu, Uze Mwangana wa Kuunda, Uze Kalunga wa Undume, Uze Ise wa Hayamyaka.’ Kaha cha kuyula Chenyi nakuya nakupwa makumishilo.” Kaha eli Lizu linapu Lizu lya Kalunga. Kaha Shipilitu yatambukile hali lize Lizu, kaha Lyambile mulijimo lya sanda. Amena. “Mwana walunga nasemuka,” keshi wakatengela, “kusemuka.”

<sup>216</sup> Satana kweseka na kweseka cheka, Kuchimwangila. Ikiye ambachile Ikiye kaha ambile ngwenyi, “Kachi Ove unapu chuma Ove muhanjika Ove kupwa, jino kulinga chuma nge ngana kuka hano hali yami. Ngulwekese omu Ove unahase kulinga. Alumuna awa, mbolo, kaha awa malolwa kupwa mbolo. Echa tumone Ove umbate, mwomwo Chisoneka ngwacho Ove muya nakuchilinga.”

<sup>217</sup> Enu mweji kuvamona maliyavolo kupwa vakulifukula na lelo kuhanjika chuma chochimwe? “Kachi kuli chuma chimwe nge kuka cha Ukalunga; hano hali Ndumbu walunga *Munganji mukananga*, echa tutale ove muhindula ikiye.”

<sup>218</sup> Uze liyavolo youmwe emanyine ha kulusu ya Yesu, ngwenyi, “Kachi Ove wapwa Mwana Kalunga, twaya suluka kukulusu.”

<sup>219</sup> Eli Lizu ngwalyo Ikiye apwilenga Mwana Kalunga. Ou Shipilitu enjikijile Ikiye apwilenga Mwana Kalunga. Isaya 9:6 chinazalishiwa. Kaha ufuku ukwavo, enu vavavulu muze muchisaji mwevwile nge etu natuhana sikisite ya Visoneka vya myaka, pamo, Ngwafwelela, ha kwinjikiza nge Chisoneka ngwacho nge Ikiye apwilenga Ikiye.

<sup>220</sup> Mamalelo, Satana esekele na kweseka cheka, kulinga vyuma vyosena. Ufuku umwe, kusavala kunyima ya mbopolo, ikiye amumwene Ikiye nasavala tulo. Kaha ikiye ngwenyi, “Nanguya nakuwenyeka Ikiye hano vene.” Oloze ikiye kahashileko.

<sup>221</sup> Ikiye esekele kumweseka Ikiye kulinga chuma chakuhenga, oloze ikiye kahashile kuchilingako. Mwomwoika? Ikiye vanamumwangila na kushikumuka muketongola. Vakiko kaveshi kuhasa kuvahungumwisako. Nduma, nduma. Eli Lizu ngwalyo Ikiye mwaya nakupwa hano. Amena. Kakweshi liyavolo mwaya nakumuyanjsa Ikiye ko, kaha kakweshi mwana walunga wa Kalunga, uze napu wakatongola kumbata chihela Chenyi. Ikiye kumwangila na vyakukanyisa. Ulembe wa satana, mandotolo va vikungulwilo, mandotolo va vikungulwilo kaveshi numba kumukwata Ikiye. Ikiye kutambumbuka, kakweshi chuma, kakwauchi kuya nakumuyanjsa Ikiye, talenu. Kayapwile nakuneha misongo hali Ikiye.

222 “Chamwaza, Nanguya nakukulingisa Ove kupwa mbishopu wa mavu osena. Ngukwechi kuyula hali echi. Kachi Ove muya nakulifukula kuli yami, twaya kuno na kulinunga na lizavu lyami, Nanguya—Nanguya nakukulingisa Ove kupwa mukakuyula. Nanguya nakushikumuka, echa Ove utuke.”

223 Ikiye ngwenyi, “Yako kunyima Yami, Satana. Echi vachisoneka, ‘Enu namukaya nakulifukula kuli Kalunga, eli Lizu, kaha Ikiye mwakaya na kuzachila.’” Kahajino likumbi limwe . . .

Hali ou Muthu wamunene, Ngunatondo kutwama kuze chindende.

224 Oloze likumbi limwe, Shipilitu atambukile hali Ikiye cheka; mwomwo kwapwile Lizu limwe valisoneka hali Ikiye, kufuma kuli Kalunga, kuhichila muli kapolofweto, “Kaha Ikiye vamutwaminyinyine kukujiha, nge mwana mukoko.” Kaha Shipilitu atambukile hali Ikiye, kaha amutwaminyine Ikiye, kaha kumutuma Ikiye kukulusu ya Kavali. Ikiye afwile. Kaha vyuma vyosena vize vahanjikile kuli Ikiye mukufwa Chenyi, chinazalishiwa, kuneha Kumunyika na Kuyoya ku Mbuto ya kutongola ya Kalunga ize yapwile hano hamavu. Ikiye anehele jila mwakulingila. *Hano* hali Mbuto, Shipilitu kuneha Kuyoya; kwalumuna vana vamaunga na vamaawevo va Kalunga, kufuma mukaye nakwingila muchimbalanganyi cha milima, kupwa vana vamaunga na vamaawevo va Kalunga.

225 Kanda kulimbuka hali eli lizu “kutongola.” Ngunatachikiza ove muchilinga. Oloze, ivwulilenu, Echi kacheshi lizu lyamiko. Echi chinapu Mazu amwe a Kalunga. Enu mwatondo kutanga echi, kutanga Efwesu 1:5, echi, “Ikiye atutongwele lyehi kupwa mwana kuhichila muli Yesu Kulishitu.” Talenu?

226 Ngwechenu kuhokola mumunyutu kaha, mu, munyutu kaha, kuhokola echi kuchifumisa muwongo wove. Tala. nge omu wapwile muli iso, hakuputuka, kambuto kavene. Unatachikiza nge, enu vosena? Ove uli muli kaka ya kaka-yakaka-yakaka-ya iso, nawa, watachikiza echi?

227 Tangenu Mukanda wa Hepelewu, kuze etu tunawane nge Levi afwetele vyamulikumi omwo ikiye apwilenga mumitanda ya Apalahama, mwahichile visemunuino viwana kunyima yenyi. Omu Apalahama afwetele vya mulikumi kuli Mekizeteke, vachilavile mbwe na kuli muzukulu wa vazukulu venyi navakapwako kulutwe lwa ikiye, kaha ikiye apwilenga jino mumitanda ya Apalahama. Yenu haze vene. Talenu?

228 Ove wapwilenga mumitanda ya iso, oloze iso keshi kuhasa kupwa na akala kulikata na ove palanga ove unapu wakwalumuka nakwingila mumujimba wa nyama.

229 Mwanami walunga apwile muli yami. Ngwa—Ngwa—Ngwakutonda mwana, oloze apwile muli yami jino. Talenu?



Ikiye apwile muli yami jino. Olooze kuhichila muutanga uvene, ikiye apwile wakwalumuna nakwingila muli muthu nge yami, kaha ikiye ejile nakupwa nge yami.

<sup>230</sup> Kaha enu namwiza nakupwa nge visemi jove, talenu, mwomwo chapwile muli enu, kukuputuka. Jino kachi etu tunapu vana va Kalunga, vilinga Vyenyi. . . Echi, ove unapu vilinga vya iso, keshi noko; iso. Ize mbuto kupwa muli ise. Talenu? Kaha jino noko apwile mukakuutamina nakukusema, kusema ize mbuto ya iso. Talenu?

<sup>231</sup> Kaha mavu, mumujimba, ali nawa naji incubator ize mbuto ya Kalunga. Talenu, mukiko vene. Keshi kaye, omu kaye kali kutohwa; chili omu natoho Klaunga kulinga ngachize. Talenu? Talenu?

<sup>232</sup> Jino kachi ove unapu mwana walunga na wapwevo wa Kalunga, kahajino ove wapwanga kuli Kalunga kukuputuka. Ove unapu vilinga Vyenyi. Kachi ove kawapwile kuzeko jino, kahajino ove kanda lyehi upwenga mokomoko kaweshi kukupwako.

<sup>233</sup> Mwomwo, Kangweshi kusemako, kufuma mumitanda yami, uze mwana wa ou muthu *hano* mokomoko muthu *haze*, Kangweshi kusema kaha vana vami vimalunga, kaha vakiko navatambula kufwana chami. Haleluya. Mwachimono?

<sup>234</sup> Vana vimalunga na vamaapwevo vapwile muli Kalunga kukuputuka. Jino tala. Enu mukwechi Kuyoya cha Hayamyaka, enu ngwenu. Etu twafwelela echi, nge etu tukwechi Kuyoya cha Hayamyaka. Chamwaza, kuli kaha chifwanyisa chimwe cha Kuyoya cha Hayamyaka, kaha uze napu Kalunga. Chize chikiko kaha chuma chize chili Hayamyaka, napu Kalunga. Kahajino kachi ove uli na Kuyoya cha Hayamyaka, chize Kuyoya chili muli enu lwola lwosena chapwilenga, kaha enu mwapwilenga mumitanda ya Kalunga shimbu kanda kupwenga kaye. Kaha omwo eli Lizu Livene. . . Yesu Lyavene alivuluka Lizu, kaha muli Mukakujila Yowano 1, ngwenyi, “Ha kuputuka kwapwile Lizu, kaha lize Lizu lyapwilenga na Kalunga, kaha Lizu lyapwilenga Kalunga. Kaha lize Lizu lyalitengelekele kupwa wachisemwa cha hamavu nakutwama muli yetu.” Kahajino enu mwapwilenga mumitanda ya Yesu, kaha ayile ku Kavali na Ikiye. Ove wafwile na Ikiye, kaha ove wamusangwile na Ikiye. Kaha lelo etu tunatwame muvihela vya Mumelu muli Ikiye, wakuzala na Shipilitu Yenyi, vana vimalunga na vamaapwevo va Kalunga. Kufwa na Ikiye, asangukile na Ikiye. Punduvene.

<sup>235</sup> Jino jino, jino, jino enu munahase kulikata na Ikiye. Ove kaweshi kuhasa kukinduluka kuzeko, mwomwo ove wapwilenga Lizu muli Ikiye, mbuto. Oloze jino Ikiye nasolola ove, kaha jino Ikiye natondo ove kulikata na Ikiye. Kahajino Ikiye ejile, vamingishile kupwa wamusonyi shikaho Ikiye ahashile kulikata chivene na ove. Talenu kulikata chakukupuka?

Mamalelo, yami, aze mangana akusweka a Kalunga! Omu chawaha! Talenu, Kalunga kahashile kulikata mu Shipilitu ko, shikaho Kalunga ejile nakupwa muthu na etu.

<sup>236</sup> Yesu Kulishitu apwile Kalunga Lyavene, kulisolola, mwomwo, Ikiye apwilenga Mwana mwomwo Ikiye apwilenga na munwe, oloze lwapwile kaha mbalaka ya Ikiye kuyoyelamo. “Naumwe muthu amona Kalunga wauchi ha kala lwola, oloze kuvangila umwe kaha lyamunwe wa Tata namusolola Ikiye.” Kalunga atungile Lyavene zuvo, mujimba wa kuyoya, kwiza nakushikumuka mangana ove ukwate Ikiye. Chimoteu Wakulivanga 3:16, “Chakuzeneka jipami, mangana akusweka akumukomoka kalunga; mwomwo Kalunga alisolwele mumujimba, amwene Vangelo, kufwelela hali, kutambula Mwilu.” Talenu? Jino Ikiye. . .

<sup>237</sup> Ove kupwa musonyi, kaha Ikiye kupwa musonyi, kahajino ove unahase kulikata jino, mwomwo Ikiye apwilenga vilinga vya Kalunga. Kalunga napu zangi. Echi chakwoloka? Kaha Yesu apwilenga vilinga vya Kalunga vya zangi. Kaha omu chize kulikata cha zangi chapwile chakusoloka, chize, uze apwile Kalunga Lyavene; tengeso yosena ize kusukama kuli Ikiye, kwiza kuli Ikiye, “Vosena Tata nanguhane Yami, navaya nakwiza kuli Yami.” Punduvene, vakiko vatelele kupwa vakutongola. Kachi kachapwile ngochoko, ove kaweshi kuhasa kupwako kuze. Mukiko kaha. Punduvene.

<sup>238</sup> Jino etu tunahase kulikata, kuhichila mu—mu luheto lwa Lizu Lyenyi, kaha muli enu munapu chihanda. Ove unapu chihanda cha Lizu; mwomwo Ikiye apwilenga Lizu kukuputuka, ove unapu Lizu jino. Talenu? Nguli nakunangula ufukuuno, mokomoko Chalumingo mokomoko likumbi limwe ha makumbi omwo Nangukaya nakwingila, hachuma muka eli Lizu lili, talenu. Kaha jino ove unapu chihanda cha Lizu.

<sup>239</sup> Ivwulilenu. Kuli chumachimwe Kangweshi kuhasa kulinga echiko. Kangweshi kukoka vakakulukako. Nduma, Nguneza kuhichila mukulyenyeka chachipi. Tata yami apwile ka Irish. Mama yami apwile ka Indian, chimbwa cha va Indian; naye apwile ka Indian, apaishile lusesa. Jino, vosena vavo, kunwa, vavavulu muli vakiko kufwa na jisapato vanavwale, kuzunga, vakakuzunga na mata, na vyangocho. Kangweshi kuhasa kukoka hali chizeko, mwomwo vakakuluka jami na chisaka chami chinapu chachikalu.

<sup>240</sup> Oloze, ndumbu walunga, kuli chuma chimwe Ngunahase kukoka hali ikiye, Ngunahase kukoka hali Mwata Yesu Uze angusokwele. Kaha na ngolo ja kwalumuna Chenyi kutumba mbuto, ha kutongola, kaha Ngwamwene Echi. Uze mwana walunga Nguli jino? Yaa. Ngunahase kumukoka Ikiye. Kaha Ngunapu na myaka seti seli muchiyoyelo chami, kukoka hali Ikiye. Kachi Ikiye mwaya nakunguseza mumyaka seti seli,

Nanguya nakweseka kukoka hali Ikiye. Talenu? Ngunahase kukoka hali vakakuluka, haleluya, Ikiye uze angusokwele na kutumba mbuto ya Chiyoyelo *hano*, kaha echa ngutale hali eli Lizu, atumine Shipilitu Yenye na kuhanjika, “Hano Echi chili. Hanjika *echi*, kaha nachiya nakusoloka. Linga *ngocho*.” Kaha mamalelo, yami, Ngunahase kukoka hali Ikiye! Ikiye achilingile ngachilihi? Kuhichila mukukosa cha meya ha Lizu, meya a kuhandunuka. Kachi etu tunahase kulumbununa echi.

<sup>241</sup> Vakakufwelela vakutongola vamauchano navatwama na Lizu mwomwo vakiko vanapu chihanda cha lize Lizu.

<sup>242</sup> Mamalelo, vatanganyika vakukimbwojoka, namutwalilangaho kukinbwojoka mbwe nakuli? Enu va Mesondisiti, Mbaputishiti, Pulishiteliyani, kulovoka muli vaze, kala chuma enu munahase kupwa, vatanganyika vakukimbwojoka, kufuma muliuka nakuya kuliuka, kufuma mu panda kuchihela, na chisaji chamivwimbimbi ku chisaji chamivwimbimbi, kaye kukaye kwosena, mwomwoika unahonene kwiza? Ikiye kufwila kulikata na ove. Ikiye ali nakukutonda. Ikiye natondo kwalumuna ha kumilingisa kupwa vavahya muwongo, keshi kuliukako mokomoko chikungulwilo, oloze ku Lizu Lyenyi, eli, ove unapu chihanda kachi kufwila chili muli ove.

*Vakukisula vaze vali nakwivwa zala na pwila ya kwoloka: mwomwo vakiko navakavekuchisa.* (Talenu? Huu-hu.)

<sup>243</sup> Kaha Ikiye atumine kwalumuna Chenyi cha Ngolo, kuneha enu nakumilovola kufuma muutonji wa kulifukula uze uli muli enu. Muli ou utonji wa chimbalanganyi uze etui tuli mo, Kalunga natumu kwalumuna cha ngolo Jenye, Lizu Lyenyi, kwinjikiza, kusolola, kuneha enu mukulifukula cha utonji cha kuhona kutachikiza chize enu mulimo nakutambukamo, “uselesele, kapuputa, mukakumona lupi, kaha kavatachikizako.” Shinganyeka hali echi, masepa.

<sup>244</sup> Munatachikiza, Kalunga atumine Ngolo Jenye jafumine nakuzalisa Lizu Lyenyi, kaha kwalumuna mujimba wosena wa Sala na Apalahama. Ulumbunwinyine lunga wakashinakaji na pwevo wakashinakaji, mwomwo Ikiye ashikile Ikiye mwachilinga.

<sup>245</sup> Kaha chuma Kalunga ashikile kulinga, nge Ikiye mwaya nakulinga. Kakweshi chuma, kalachuma... Kala chuma vanachongonona, Kalunga keshi kuhasa kulinga chuma chimweko. Oloze Ikiye mwaya nakulama Lizu Lyenyi, kaha Ikiye mwaya nakutuma Shipilitu Yenye! “Yami Mwata ngunatumbu Echi. Nanguya nakutukumwina musana na ufuku, kuchina umwe mwavavunyamo kufuma mumavoko Ami.” Eyi Mbimbiliya yahanjika ngachize.

246 Mamalelo, vatanganyika vakukimbwojoka, ove na kufwila mumuchima wove! Ove watela kupwa nawo, mokomoko ove kaweshi kuhasa kutwama hano chimene chino. Kaha ove kaweshi kuhasa kupwa muli aze mauka na zuvo yayineneko, na vyuma ove ulimo, na kuzauka lifuchi, kachi Chumachimwe kachanehele ove muze. Vathu vamwe kuhanjika kuli ove. Kanda kuya kulutwe chekako. Kuli kukosa cha meya ha Lizu, chize nachiya nakukulingisa ove kupwa utoma nge vula yachishika. Mamalelo, vana va Kalunga, Ivwulilenu! Kanda kutwama muli ou utonjiko. Lovokamo muli echi. Apalahama afwelelele Kalunga, kaha asanyikile kalachuma chakulimbalaka . . .

247 Ove ngwove, “Nangulingisa Kuyoya chami ngachilihi? Kaha Nangulinga ngachilihi *echi*?” Ou ukiko mulimo wa Kalunga. “Nachipwa ngachilihi na Yami? Muhato wami nahase kungukana.”

248 Kalunga ambile ngwenyi, “Ikiye mwaya na kukana ise, naye, pwevo, lunga, mazuvo, jizuvo; Nanguya nakuvahana membo na jizuvo, Nanguya nakuvahana masevo na visemi vamapwevo, na vandumbu vamaunga na vamapwevo, muli kano kaye, na Kuyoya cha Hayamyaka mu kaye kali nakwiza.” Elu lunapu lushiko, sepa. Chize, mamalelo, chize chatela kupwa nakutukumwina! Kala lushiko lwa Kalunga lwalingisa kwiza nakuhita. Kala Mbuto ya Kalunga yapwa lushiko.

249 Kaha ndumbu wapwevo, kwecha kuteula jikambu, mwomwo kachapwile chakutamoko kumeso a Kalunga. Echa kuvwala uvwalo kana, chinapu chaunyengwe kuli Ikiye!

250 Enu vandumbwami, enu malunga, echenu kulikata na vivikungulwilo, mukulinga chuma kana, kaha kwecha mapwevo jenu kulinga vyuma kana. Echi kacheshi kuhasa kwiza kuli Vakakulishitu ko.

251 Twaya kinduluka ku Lizu! Mbata eli Lizu, Naliya nakukula. Echi chatela kukula. Kalunga ngolo jenyi jakwalumuna eji janehe Echi muli chino chihela chatete, Ikiye napu kaha mujila Yenyi kunyima kuze, kuhanjika Echi kunyima cheka jino. Ikiye ali nakuya cheka kunyima kuze kwapwile.

252 Enoke vamwalumwine, kufuma mukufwa, ku ngolo ja Kalunga ja kwalumuna. Chuma muka Kalunga alingile chize? Mwomwo chifwanyisa cha Liuka lya kuhukula chize chili nakwiza. Yaah. Eliya apwile youmwe.

253 Yesu mujimba wenyi vauyoyesele hanyima yakupwa wakufwa. Kaha muze muchimbumbwe, mujimba wa Yesu vamuyoyesa ha Lizu lya Kalunga; kaha vamwalumwine, kufuma kukufwa, chifwanyisa chituta, kusanguka, kupwa mwana waupahu wa Kalunga. Mwomwo kapolofweto, Jisamu 16:10, kachi ove unatondo kuusoneka, 16:10, ambile ngwenyi, “Kangweshi kuya nakuseza mwono Wenyi muheteseko, chipwe

Ngwetavila Umwe Wami Wakujila kumona kupola.” Ove Kalunga!

<sup>254</sup> Eli Lizu lyatela kwiza nakuhita, Linapu Lizu lya Kalunga! tumba Echi mumuchima wove, kachi ove unatondo kuya Mukuhukula. Kachi ove unatondo kupwa Vakakulishitu vamwenemwene, chihela eli Lizu. Nge omu Ngwafwelela apwile Ezekiel, Kalunga ambile ngwenyi, “Mbata uze mukanda na kulya helu,” uze kapolofweto kaha eli Lizu naliya nakupwa mwomumwe. Kaha kala lushiko muli nakusoloka chivene, mwomwo linapu Mbuto ya Kalunga yatete. Kanda kwecha vakakutanga vyauthu vili muni kweseka kushijika Echi kufuma muli enuko. Kanda kwecha ikiye kumimwangila na sayasi ya chisemwa na chinyingi, kaha na kutanga. Fwelela Kalunga!

<sup>255</sup> Apalahama kambachile kukekesa cha sayasiko ya likumbi lyenyi, kuhanjika, “Yami nguli na kemba, Ngunayi lyehi. Ngunalingi *echi, chize, mokomoko chikwavo*.” Oloze ikiye asanyikile kalachuma chize chapwilenga chakulimbalaka, na Lizu lya Kalunga, nge omu chapwilenga. Kaha ikiye katalyangilile ha lushiko lwa Kalunga, kuhichila mukuzeneka kufwelelako; oloze apwile wakuzama, kuhana kwalisa kuli Kalunga. Ikiye atachikijile nge Kalunga apwile wakutela kuzata chize chuma Ikiye ashikile.

<sup>256</sup> Mamalelo, vana vamaunga vakukimbwojoka, vanapu vitonji hakuvatanjila kuvyakumavu! Vandumbu vama pwevo vakukimbwojoka, vaze veji kuhakanga vihela na vyavihya vya kaye kumikoka! Kaha, ndumbu wapwevo wamwaza, ove unahase kungutachikiza yami chikungo chamwaka, oloze likumbi limwe omu enu namuliwana na Florence Shakarian kuliwana ufuku ukwavo; ikiye atwamine muli ou kapete, nawa, muli chino chihela, nge omu munatachikiza. Omwo enu natukaliwana na chize, enu namuya nakuwana nge, keshi yamiko, oloze eli Lizu lili lya kwoloka. Kufumisa evi vitanda vyakutewisa, vize vitanda vyakutunga vyavihya. Kulilama kufuma kuvyuma kana.

<sup>257</sup> Hanjika, “Mwomwoika ove wahona kunangula vyavinene, omu mwakupwila muli *echi*?” Putuka kaha na ABC kaha jino etu natuya nakupwa na vyavinene. Talenu? Putuka kaha kulinangula, “ou unapu mulimo waunene.”

*Ngunamilebelela enu shikaho, vandumbwami, hakutetela cha Kalunga, nge enu echenu mijimba yenu mulambu wakuyoya, wajila, na kwitavila kuli Kalunga, echi chinapu kutanga chove chamangana.*

<sup>258</sup> Ove mulinga kaha “mulimo wakutamo,” Kalunga mwaya nakumbata vyuma vyosena vya echi; talenu, kushinganyeka ha vyuma vize enu munahase kushinganyekaho enu vavene na kulinga. Kacheshi ngochoko. . . Kacheshi kupwa chakuzeneka mangananako mwomwo mapwevo kulizula vavene nakwishi,

kaha kulovoka hano na kulinga nge ngachize, omwo eyi Mbimbiliya yapaisa echi? kacheshi kupwa chakuzeneka mangana mwomwo muthu kulimbila ivene nakwingila mulinga vyakuhenga nge omu etu tuli lelo, kha vyamokomoko vyosena hano, kaha vyuma vyosena evi, na vyakufwana ngachize, omwo chili chakulimbalaka na Lizu lya Kalunga? Talenu?

<sup>259</sup> Isaya mivumbo, ikiye apwilenga kaha muthu kaha wa mivumbo yayipi. Ikiye ambile ngwenyi, “Mwata, Nguli mukachi kavathu vakuzeneka kutoma, kaha Ngukwechi mivumbo yayipi. Mamalelo yami mwomwo Ngunamono Kalunga.” Kaha Kangelo kwiza na kushikumuka, kupwa na Kakahya, Kakakujila kufuma kukamenga ka Kalunga, kaha kwalumuna mivumbo yenyi; kufuma mumivumbo ya muthu wakukimwojoka, kuli mivumbo ya kapolofweto na MUKIKO MWANAMBE MWATA. Kalunga ikiye eji kwalumunanga ngolo!

<sup>260</sup> Vakakuta ishi handulendi na twende fwo, kaha—kaha chindende kupwa vakakulanjisa mahina aungonyi, a mapwevo, kaha vaze valikungulwile vavene mukapete kahelu na kusoka vikolo, vamwe vavo keshi kutanga chikumako chinjikizo majina avo vavene. Kalunga kuvalumuna kufuma mukupwa vakakuta ishi, kupwa malunga vakakuta ishi; kufuma malunga na mapwevo kuhita mujijila, nakupwa vakakujila ja Kalunga, vakalemesa. Ngolo jakwalumuna ja Kalunga!

<sup>261</sup> Paulu, membala waliuka, Pulishiteliyani, Mesondisiti, Mbaputishiti, Pendekosita, mokomoko chumachimwe; kushikumuka mujila ikiye ayile, na shipilitu yenyi yayinene muli ikiye, nge ikiye atachikijile chikuma kuhambakana vakiko. Ikiye apwile mwishi ya Gamaliel, umwe apwile mulongeshi wamwaza apwileko lwola luze mulifuchi. Chasolokele ngachilihi mujila yakuya ku Ndamashiku, kupwa na lizavu lya vathu vaze vapwilenga nakufwelela Lizu lya Kalunga? Mujila yakuya kuze, vamuvetele, kaha ikiye evwile Mujimbu. Kaha Echi chamulwekele ikiye kufuma mu membala wa liuka kaha liuka kuya nakulovoka; kuli kapolofweto ka Kalunga, uze asonekele eli Lizu lya Kalunga, mu Tesitamende Yayihya. Kufuma mu membala wa liuka!

<sup>262</sup> Mamalelo, tanganyika wakukimwojoka, echa twimane. Mwana wakukimwojoka, Mbuto yakukimwojoka kuya kufuma muchihela nakuchihela, muli uze utonji; kwalumuka, chimene chino, vana. Mwane ngwivwulile yami nge—nge muthu uze ali nakweseka kwimana mukachi ka kuyoya na vafu.

<sup>263</sup> Kulovoka muze mulifuchi muze mwapwile kuvilika kwiza kachi enu muli vakukwachiwa, enu vaze muli nakikimwojoka nakwingila muchihela, mwane twamenu hamunyutu kaha chindende. Ngunatachikiza echi chili chakukotokela hano mu Tucson mokomoko, ngukonekelenu, Phoenix, yinapu minyutu twende palanga twolufu. Kaha Ngwapwanga na ava vathu hano

chimene chosena. Ngwapwile na kufuma kumulimo wove na vyuma vimwe. Oloze tala, sepa wamwaza, ove unahase kufuma kuli Kalunga hayamyaka. Mwane twaya kinduluka chimene chino. Kaweshi ngochoko? Kuli kapete kuze ku Kaselwoke.

Muze muchizuma kunyima okwo,  
Ngunatachikiza chapwile ngocho vene,  
Kemba asemukile kulwila vathu kufuma  
kushili.

Yowano Amumwene kuze kungenge, Mukoko  
hayamyaka,  
Mamalelo, Kulishitu, uze Kusukika cha  
Kavali.

Mamalelo, Ngwazanga uze Muthu wakufuma  
ku Ngalileya, kufuma ku Ngalileya,  
Mwomwo Ikiye nalingi chikuma kuli yami.  
Ikiye vamukonekela jishili josena, kuhaka  
Shipilitu Wajila mukachi;  
Mamalelo, Ngwazanga, Ngwazanga uze Muthu  
kufuma ku Ngalileya.

Nge muthu kaha ayile nakulomba mu tembele  
likumbi limwe,  
Ikiye alilile, "Ove Mwata, nguvwile keke!"  
Ikiye apwile wakukonekela shili, kaha kuunda  
chakujiminyina chapwile mukachi kenyi;  
Ikiye ngwenyi, "Twaya umone ou Lunga  
wakufuma ku Ngalileya." (Chakwoloka.)

Uze chitonji apwile nakutambuka, kamama  
apwile nakuhanjika,  
Jize ngolo vahanjihanjikile na zangi yapwile  
hakalungalwiji;  
Uze kapuputa vamutunga kumona,  
Ngunatachikiza echi chinahase kaha kupwa  
Keke ya uze Muthu kufuma ku Ngalileya.

264 Chifwanyisa chize na mulimo lelo.

Uze pwevo haze ha lishima, Ikiye jishili josena  
jamulwekele,  
Omu vapwile malunga vatanu halwola luze.  
Ikiye vamukonekelele jishili josena, kaha  
kupwa na kupwa nakuunda chakufuma  
kwishi kaha mukachi;  
Ikiye alilile, "Twaya umone ou Lunga  
wakufuma ku Ngalileya!"

265 Pwevo, Ikiye nahase kulinga chochimwe. Ikiye natangile muchima wove chimene chino. Muthu, Ikiye atangile muchima wove. Mamalelo, muthu kaha, echa tulombe!

Mamalelo, Ngwazanga uze Muthu wakufuma  
 ku Ngalileya, kufuma ku Ngalileya,  
 Mwomwo Ikiye nalingi chikuma kuli yami.  
 Ikiye vamukonekela jishili josena, kuhaka  
 Shipilitu Wajila mukachi;  
 Mamalelo, Ngwazanga, Ngwazanga uze Muthu  
 kufuma ku Ngalileya.

<sup>266</sup> Kaweshi kuhasa kuzanga Ikiyeko, na yami, chimene chino? Mamalelo, mujila yakuweluka, mukashili wakukimbwojoka, hano mokomoko kuweluka okwo ove unahase kupwa, nauya na kwitavila Mwata chimene chino? Ikiye napu eli Lizu, kaha eli Lizu vanalinehe kuli ove. Kaweshi kuhasa kwitavila Ikiye chimene chino ko? Munahase kuzundula mavoko enu mokomoko kwimana hamahinji enu, mokomoko chumachimwe, na kulomba, kuhanjika, “Ngwatondo kwitavila Ikiye hano vene. Ndumbu walunga, Nguli nakufwila. Ngwatondo hano vene kwitavila Ikiye.” Munahase kwimana hamahinji enu, kalamuthu uze natondo kumulombelela, kaha kuhanjika, “Yami...” kumulombelela, chipwe, “Yami mukashili. Ngwatondo...” Kalunga akukisule, mukulwane. Muthu weka? Kalamuthu lombamba jino, munyutu kaha.

Mamalelo, muze muchizuma kunyima  
 okwo, (Echi chapwile mwamokomoko,  
 munatachikiza, kaye kali.) kaha  
 Ngunatachikiza chili vene ngocho,  
 Kema wamundende asemukile kulwila vathu  
 kufuma kushili.  
 Omwo Yowano amwene Ikiye kungenge, Ikiye  
 apwilenga mwana Mukoko hayamyaka,  
 (Yumwe Umwe lelo.)  
 Mamalelo, Ikiye napu Kulishitu, uze Kusukika  
 cha Kavali.

<sup>267</sup> Kaweshi kuhasa kuzanga Ikiye lelo na muchima wove wosena, shikaho ove unahase kutambuka muli eyi seteko ya kaye uze ove twamamo? Enu mapwevo, enu malunga, mamalelo, chuma muka enu namutwama hano lwola lwosena lwa elu? Echi nachiya nakusoloka kuli chumachimwe muli enu, kuli chuma chimwe kuze zala na lipwila. Ove kaweshi kuhasa kutwama hano eji jiola jivali mokomoko jitatu, kutwama muli ino zuvo; kuli chumachimwe. Kaweshi kuhasa kulihumikiza nakullelo? Echa vyavihya na sayasi, kaha vyumavimwe vya kaye, hita kufuma muvishinganyeka vyenu hano vene, ndumbu walunga wamwaza mokomoko ndumbu wapwevo wamwaza.

Mauka ali nakulinunga, mafuchi amanene ali  
 nakuwokoka, Isalele kutona,  
 Evi vinjikizo vize tupolofweto vapolofwetele;



Makumbi ava Vakamafuchi eka na eka  
akulava, na namakumbi amakalu;  
“Kindulukenu, Ove wakutoleka, kuli vove.”

Lize likumbi lyove lya kukusokola lina  
pandama,

Michima ya vathu yili nakuholoka mwomwo ya  
woma;

Pwako wakuzala na Shipilitu, pwako linongo  
lyove lya kukwata na zwalala,

Tala helu! Kusokoka chove china pandama.

Tupolofweto vakwonga vali nakwonga,  
Muchano wa Kalunga vakiko veji  
kukananga,

Nge Yesu Kulishitu ikiye Kalunga ketu.

<sup>268</sup> Jino, ou unapu muchano. Munatachikiza echi, etu vosena,  
likumbi eli etu tuli nakuyoyelamo. Oloze Ikiye ambile ngwenyi:

Nakukapwa Kumunyika helu lya lwola lwa  
chingoloshi,

Mujila yakuya ku Upahu enu namuya  
nakuwana.

<sup>269</sup> Lize likiko likumbi etu tuli nakuyoyelamo jino. Chize  
Kumunyika nachiya nakumunyika ha chingoloshi omu milima  
yili nakwiza nakwingila, lwola lwa mitelelezhi, na tanganyika  
wa chingoloshi.

Twoness na tanganyika wa chingoloshi,  
Kaha hanyima ya milima!

Echa kupwanga kulisalisa na kuhomba,  
Omu Nguli wakukujika;

Mwomwo vyosena chakuzeneka jijila ja lwola  
na tando,

Kaha mavaji angumbate nakungutwala  
kwakusuku,

Oloze Ngwatondo kumona mukakungwendesa  
meso nameso

Nge ngunazauka ize ngiza.

Kanda namungulwekako, mukulava cha  
kulishona,

Chize chiyoyelo chinapu chilota  
chaupolongwa!

Kaha mwono unafu uze weji kusavalanga,  
Kaha vyuma kavyeshi nge omu vyatelako.

Yaa, chiyoyelo chili chamwnemwene! Kaha  
chiyoyelo chinapu chinjikijilo!

Kaha lifuka keshi chikiko kufwila chami;

Mwomwo ove wapwa ulu, kukiko  
naukakinduluka,

Kavahanjikile kumono ko.

Kuyoya cha malunga vavanene kungwanukisa  
Kaha etu tunahase kulingisa chiyoyelko chetu

kupwa kwishi,

Kaha, chihanda, chiseze kunyima yetu,

Mangano ha usekulula wa lwola;

Mangano, pamo akwavo,

Shimbu kuhita muchiyoyelo chivene,

Nge ndumbu walunga wakuzeya kaha  
wakuhokoka,

Mukumona, nangukambata muchima cheka.

Echa tupwenga, jino, na kulinga,

Na muchima ha kala utenu.

Kanda kupwa nge kamama, nge ngombe  
wakukoka!

Pwako chindume mundombo!

<sup>270</sup> Kalunga Wamwaza, vakiko vanapu Vove. Ngunamono malunga vavali kwimana hamahinji avo, Tata. Ngwalombo, Kalunga, nge Ove uyenga nakuvambata jino. Vakiko vanatondo kupwa vana Vove. Vakiko vanakatuka kufuma mukuzeneka kukatachikiza cha chiyoyelo nge muze vakiko vayoyele, kaha jino vakiko vanatondo kupwa vakuhizumuka, vakutungulula, na lujimiko lwa Shipilitu Wajila hali ize Mbuto vanatumba mumichima yavo likumbi lino. Kalunga wa Hayamyaka, ou Tengi wa vyuma vyosena, Uze atungile Lizu Lyove, kaha Ngwafwelela nge Ove wavatachikiza ava malunga kulinga chimene chino. Ngwalombo, Mwata, nge Ove uyenga na meya eli Lizu, likumbi na ufuku, kaha kanda wecha Satana kutuvwunya kumavoko Ove. Echa chipwenga mutondo lwola lumwe, mu Palachise ya Kalunga, omwo navaneha cheka, mwomwo Lizu Lyove kalyeshi kuhonako, naliya nakupwa cheka. Mwomwo aka kaye . . .

<sup>271</sup> Kaha kakweshi kukapwa muyachi wa kutona cha kaye kali nakwiza. Kakweshi kukapwa jimotokako mokomoko kwauchi nge sayisi yinalingika. Nakukaya nakupwa chuma nge chize muno mukaye chize chili nakwiza. Oloze nachiya nakupwa chifwanyisa cha Kalunga Lyavene cha kutona chize Ikiye mwaya nakutwama mu upahu. Mwomwo, muli chino kutona muli misongo, kufwa, ushona, mafuka, kaha ngwatondo. Oloze mu Wangana uze watela kwiza, kakweshi kufwa, kakweshi ushonako, kakweshi misongo yauchiko, kakweshi ushinakajiko. Ove Kalunga, nachiya nakupwa chachihya kuze, mu kutona chove.

<sup>272</sup> Kalunga, kutwalumuna etu lelo, ha ngolo Jove, hakulingisa vishinganyeka vyetu kupwa vyavihya, kwalumuna vyuma vya kano kaye jino, kwingila mu Lizu lya Kalunga. Kaha echa etu tupwenga vakutungulula ha kutwalumuna na ngolo ja Kalunga

ha eyi Mbuto ize ili mumichima yetu, eyi etu twafwelela, kuli tengeso vavuluka kupwa vana vamaalunga na vamaapwevo va Kalunga. Echi chikiko kulomba chami kuli Ove, Tata, hali vathu, mu Lijina Iya Yesu. Amena.

273 Jino kuli enu muli muli kuweluka wa chisaji, kwosena okwo muli, Ngwatondo enu kutambula Kulishitu kuze, kupwa Mulwilo wove, na kupwa wakuzala na Shipilitu Yenye. Awa Mazu anahanjika chimene chino, echa Vakiko vaholokele mumuchima wove. Kaha echa ove utambule Yesu. Kaha ove tala chiyoyelo chove, kaha ove kumona chuma ove muyoya hanyima yachize. Kaha mbata vishinganyeka vya muthu hano. Enu mwamono enu vavene kulinga chumachimwe chize chakulimbalaka na eli Lizu, kutambuka kufuma muli echi, washi. Talenu? Mwomwo, kuli Luyungo luze lweji kulamanga kufwa kufuma kuli enu, luze lunapu Lizu Iya Kalunga. Mazu Eyi ali Kuyoya, kaha Vakiko navaya nakumilama mukufwa.

274 Enu vathu hano jino vali muzuvo yayinene, Nguli na enu hano lwola lwakunyima chikuma. Ngwasakwilila ha kupwa chove. Ngwalombo nge Kalunga keshi kuhasa kwecha eyi Mbuto kufwako. Ngwafwelela enu kamweshi nakushinganyeka Nangwimana hano kuhanjika vyuma kana kupwa wakuhandunuka. Nanguhanjika echi mwomwo ya zangi; kaha kutachikiza nge echi chili shimbu Nguli muthu, nge omu Nguli jino, napu lwola lumwe luze nanguya nakupwa wakuhasa kunangula kuli vathu. Kaha Ngwamuzanga Yesu Kulishitu. Ikiye napu Mulwilo wami. Kaha anuka, Ngunapunga kuze mujila kachi kachapwile hali Ikiyeko. Kachi ngwapwile kuze; visemi jami vosena, vathu jami vosena, vapwile vakashili. Oloze Kalunga, na Kwalumuna ngolo Jenye, Ngunatachikiza janehele tengeso yakuhandunuka muli yami. Kaha Ngunahase—Ngunahase kulitungulula echi kuli ove, kupwa wamwaza. Kaha nachiya nakulama mujiola ja ukalu. Chipwe ha kufwa, kuchikolo, ove kaweshi na womako. “Kakweshi chuma chakutuhandununa etu kufuma ku zangi ya Kalunga, echi chili muli Kulishitu.” Echa Kalunga akisule enu vosena, kaha kumihana enu Kuyoya cha Hayamyaka.

275 Vangahi muno vaze kaveshi na Mbuto ya Kalunga, lujimiko Iwa Shipilitu Wajila? Unahase kuzundula livoko lyove, nakuhanjika, “Anuka yami, Ndumbu walunga Branham, nge Nanguya nakutambula Shipilitu Wajila.” Jino enu mbatenu eli Lizu mumuchima wove—mu muchima wove, na kufwelela Echi. Jino kachi ove...Ove unahase kutala hali ove. Yako na kutala hachivanjilo, kaha ove unahase kumona ove uhiya. Talenu, ove unahase kutachikiza.

276 Ove ngwove, “Chamwaza, Kangwakatula livoko Iyamiko, mwomwo Ngwafwelela Nguli nalwo.”

277 Tala hali enu vavene mu chivanjilo, kahajino enu mwamono muyachi wa shipilitu muka kuhungumwisa, talenu. Ahungumwishile kushinganyeka! “Kuli jila yinasoloka kupwa yakwoloka kuli muthu, oloze makumishilo yacho yinapu jila ya kufwa.” Echi chinapu muchano?

Ku kulusu kuze Mulwilo wami afwile,  
 Kuze kukosa chakufuma ku shili kuze  
 Ngwatambakanyine;  
 Mamalelo, kuze muchima wami vaukwichile  
 Manyinga;  
 Upahu . . .

278 Fwikenu meso enu, munyutu kaha jino, kaha kwimba kaha kuli Ikiye. Echa kaha twimike mavoko etu helu.

Upahu ku Lijina Lyenyi! (Lijina Lyenyi lya mwaza!)  
 Upahu ku Lijina Lyenyi!  
 Kuze muchima wami vaukwichile na  
 Manyinga;  
 Upahu kuli Ikiye . . .

279 Ngwatondo enu Vakakulishitu kulimeneka mumavoko umwe namukwavo, uze vamulwilile.

Yami nguli wakuwahilila hakungulwila  
 kufuma kushili,  
 Yesu twama mukachikami,  
 Kuze ku kulusu kuze Ikiye angutwalilemo;  
 Upahu ku Lijina Lyenyi!  
 Upahu ku Lijina Lyenyi! (Lijina lya Mwaza!)  
 Upahu ku Lijina Lyenyi!  
 Mamalelo, kuze muchima wami vaukwichile  
 Manyinga;  
 Upahu ku Lijina Lyenyi!

280 Aze Manyinga ali na kambuto ka Kuyoya muli Echi, munatachikiza. Echi chili kuli vakiko vase vahonene kumutachikiza Ikiye:

Mamalelo, kwiza kuli ou Kaselwoke chikuma  
 na kuyema;  
 Mbila mwono wove wakuhutwa kumahinji a  
 Mulwilo;  
 Mamalelo, kwingilamo lelo, kaha kupwa  
 vakukuma mwosena;  
 Upahu ku Lijina Lyenyi!  
 Mamalelo, upahu kuli . . .

Echa etu tunongame mitwe yetu jino shimbu etu tuli nakwimba.

Upahu ku Lijina Lyenyi!

Kuze muchima wami vaukwichile na  
 Manyinga;  
 Upahu ku Lijina Lyenyi!


<sup>281</sup> Ove wamuzanga Ikiye? [Chikungulwilo ngwacho, “Amena.”—Muka.] Paulu ngwenyi, “Nanguya nakwimba mu Shipilitu. Nanguya nakulifukula muli Shipilitu.” Echa twimbeni washiwashi cheka, na mavoko etu helu.

<sup>282</sup> Munatachikiza, ukalu wa echi, etu vathu va Chipendekosita, etu tunajimbalisa kuwahilila chetu, etu tunajimbalisa kwivwa chetu. Nge Billy Graham ambile ngwenyi ufuku ukwavo, “Vaze vakakunangula, makola akwalumuna, kuya nakushikumuka ku South, kusakwilila mavoko avo, kaha kuveta mahinji avo helu nahamavu mumavu, nakututyumuka, vakiko vapwile nachuma chimwe vakiko vapwile vakuwahilila.” Chamwaza, yaa, Ngukwechi Chumachimwe Ngunawahilila hali echi. Talenu? Talenu? Yaah. Yaah, etu tunajimbalisa kwivwa chetu.

<sup>283</sup> Jino echa kaha twimike mavoko etu. Kanda kulizakamina hali masoji, vakiko kaveshi kuhasa kukolesa chumako, talenu. Echi kacheshi kuhasa kulemako. “Wosena mwaya nakukuva, namasoji, chakuzeneka kukakasana mwakakinduluka cheka, kuneha mukuwahilila muvisete.” Chosena chakwoloka.

Upahu ku Lijina Lyenyi! (Lijina lya Mwaza!)  
 Upahu ku Lijina Lyenyi!  
 Kuze muchima wami vaukwichile na  
 Manyinga;  
 Upahu ku Lijina Lyenyi!  
 Upahu kuli Ikiye... (Ove Kalunga! Mwalise  
 Kalunga!)  
 Upahu ku Lijina Lyenyi!

Kujimika ize Mbuto, Mwata, mukachi ka muchima!

...ku muchima wami vaukwichile Manyinga;  
 Upahu ku Lijina Lyenyi! 

65-0911 Ngolo Ja Kalunga Ja Kwalumuna  
Ramada Inn  
Phoenix, Arizona U.S.A.

LUVALE

©2023 VGR, ALL RIGHTS RESERVED

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)